

საქართველოს კანონი

**სურსათის/ცხოველის საკვების უვნებლობის, ვეტერინარიისა და მცენარეთა
დაცვის კოდექსში ცვლილების შეტანის შესახებ**

მუხლი 1. სურსათის/ცხოველის საკვების უვნებლობის, ვეტერინარიისა და მცენარეთა დაცვის კოდექსში (საქართველოს საკანონმდებლო მაცნე (www.matsne.gov.ge), 25.05.2012, სარეგისტრაციო კოდი: 240110000.05.001.016709) შეტანილ იქნეს ცვლილება და კოდექსის:

1. პირველი მუხლის:

ა) პირველი და მე-2 ნაწილები ჩამოყალიბდეს შემდეგი რედაქციით:

„1. ამ კოდექსის მიზანია ადამიანის სიცოცხლისა და ჯანმრთელობის, მომხმარებელთა ინტერესების, ასევე ცხოველთა ჯანმრთელობისა და კეთილდღეობის, მცენარეთა სიჯანსაღის დაცვა, სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში სახელმწიფო რეგულირების ერთიანი პრინციპების განსაზღვრა და სახელმწიფო კონტროლის ეფექტიანი სისტემის ჩამოყალიბება.

2. ეს კოდექსი ვრცელდება სურსათის/ცხოველის საკვების, მცენარის, ცხოველის, ცხოველური და მცენარეული პროდუქტების წარმოებაზე, გადამუშავებასა და დისტრიბუციაზე, რომლებიც ხორციელდება საქართველოს ტერიტორიაზე, აგრეთვე პირველად წარმოებაზე, ცხოველთა ჯანმრთელობასა და კეთილდღეობაზე, ვეტერინარულ პრეპარატებზე, მცენარეთა სიჯანსაღეზე, პესტიციდებსა და აგროქიმიკატებზე. ასევე, გარემოს დაცვაზე ამ კოდექსის მიზნიდან გამომდინარე.“

ბ) მე-4 - მე-5 ნაწილები ჩამოყალიბდეს შემდეგი რედაქციით:

„4. ეს კოდექსი არეგულირებს და განსაზღვრავს:

ა) სურსათის/ცხოველის საკვების უვნებლობის ძირითად პრინციპებსა და

მოთხოვნებს;

ბ) სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროების სახელმწიფო კონტროლის სახეებს;

გ) სურსათის/ცხოველის საკვების, მცენარის, ცხოველის, ცხოველური და მცენარეული პროდუქტების, ვეტერინარული პრეპარატების, პესტიციდებისა და აგროქიმიკატების, მიკვლევადობასთან დაკავშირებულ ზოგად მოთხოვნებს წარმოების, გადამამუშავებისა და დისტრიბუციის ეტაპებზე;

დ) სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში უფლებამოსილი ორგანოების კომპეტენციებს;

ე) ბიზნესოპერატორის ვალდებულებებს;

ვ) ცხოველთა ჯანმრთელობისა და კეთილდღეობის, მცენარეთა დაცვის, მცენარეთა სიჯანსაღის ძირითად მოთხოვნებსა და პირობებს;

ზ) საქართველოს ტერიტორიაზე ვეტერინარულ და მცენარეთა კარანტინს;

თ) სურსათის/ცხოველის საკვების, ცხოველის, მცენარის, ცხოველური და მცენარეული პროდუქტების, ვეტერინარული პრეპარატების, პესტიციდებისა და აგროქიმიკატების ექსპორტ-იმპორტის მოთხოვნებს;

ი) ამ კოდექსის მოთხოვნათა დარღვევისათვის შესაბამის პასუხისმგებლობებს.

5. ამ კოდექსის მოთხოვნებთან ერთად, საქართველოს მთავრობის დადგენილებით დამტკიცებული გამარტივებული მოთხოვნები, ვრცელდება იმ ბიზნესოპერატორზე, რომელიც:

ა) ადგილობრივ მომხმარებელს უშუალოდ აწვდის მცირე რაოდენობის პირველად პროდუქტს, გარდა ცხოველური წარმოშობის სურსათის, ცხოველის საკვების, დაბალი მჟავიანობის დაკონსერვებული სურსათისა და ბავშვთა საკვები პროდუქტისა. მათი იდენტიფიკაცია ხორციელდება კანონმდებლობით დადგენილი წესით;

ბ) ტრადიციული მეთოდების გამოყენებით ახორციელებს სურსათის/ცხოველის საკვების წარმოებას, გადამამუშავებას ან/და დისტრიბუციას, ასევე პირველად წარმოებას;

გ) მაღალმთიან რეგიონში არაქარხნული წესით ახორციელებს სურსათის/ცხოველის საკვების წარმოებას, გადამამუშავებას ან/და დისტრიბუციას, ასევე პირველად წარმოებას.“;

2. მე-2 მუხლი ჩამოყალიბდეს შემდეგი რედაქციით:

„მუხლი 2. ტერმინთა განმარტება

ამ კოდექსში გამოყენებულ ტერმინებს აქვს შემდეგი მნიშვნელობა:

ა) სურსათი – ადამიანის საკვებად განკუთვნილი ნებისმიერი გადამუშავებული, ნაწილობრივ გადამუშავებული ან გადაუმუშავებელი პროდუქტი. სურსათი ასევე მოიცავს ყველა სახის სასმელს (მათ შორის, სასმელ წყალს), სადექ რეზინსა და სურსათში გამოსაყენებელ ნებისმიერ ნივთიერებას (წყლის ჩათვლით), რომელიც გამოიყენება სურსათის შემადგენლობაში მისი წარმოებისა და გადამუშავების დროს. სურსათი არ მოიცავს ცხოველის საკვებს, ცოცხალ ცხოველებს, გარდა იმ ცხოველებისა, რომლებიც გამოზადებულია ბაზარზე განსათავსებლად ადამიანის მოხმარების მიზნით, მცენარეებს (მოსავლის აღებამდე), სამკურნალო და ჰომეოპათურ საშუალებებს, თამბაქოს და თამბაქოს პროდუქტებს, ნარკოტიკულ საშუალებებსა და ფსიქოტროპულ ნივთიერებებს, კოსმეტიკურ საშუალებებს, ნარჩენებსა და დამაბინძურებლებს;

ბ) პირველადი წარმოება – პროცესი, რომელიც მოიცავს: მცენარის მოყვანას, მოსავლის აღების, ნაყოფის კრეფის ჩათვლით, ცხოველის გაზრდას, მოშენებას დაკვლამდე, აგრეთვე რძის წველას. პირველადი წარმოება ასევე მოიცავს ნადირობას, თევზჭერას და ველური მცენარეების შეგროვებას;

გ) ვეტერინარია (ვეტერინარული მედიცინა) – საქმიანობა, რომელიც მიზნად ისახავს ცხოველის, მათ შორის შინაური ცხოველის ჯანმრთელობისა და კეთილდღეობისათვის დაავადებათა პროფილაქტიკასა და მკურნალობას, უვნებელი ცხოველური პროდუქტის წარმოებას, მოსახლეობის დაცვას ზოონოზური დაავადებებისაგან და ქვეყნის ტერიტორიის ვეტერინარულ კეთილსაიმედობას;

დ) ბიოწარმოება – მეურნეობის მართვის ერთიანი სისტემა წარმოების ისეთი მეთოდების გამოყენებით, რომელიც უზრუნველყოფს ბიომრავალფეროვნების და ეკოლოგიური ბალანსის შენარჩუნებას, გარემოს დაცვას, ბუნებრივი რესურსების ეფექტიან გამოყენებას და შეესაბამება ბიოწარმოების წესებით დადგენილ მოთხოვნებს წარმოების, გადამუშავების, შენახვის, შეფუთვის, ტრანსპორტირების,

ექივეტირების/ნიშანდების, დისტრიბუციისა და რეალიზაციის ყველა ეტაპზე და ეს შესაბამისობა დადასტურებულია შესაბამისი სერტიფიკატით;

ე) პირველადი პროდუქტი - ადამიანის ან ცხოველის საკვებად განკუთვნილი პროდუქტი, რომელიც მიღებულია პირველადი წარმოებიდან გადამუშავებამდე, მათ შორის ნიადაგიდან, ცხოველის მოშენების, ნადირობის ან თევზჭერის შედეგად;

ვ) ცხოველის საკვები - ცხოველის საკვებად გამოსაყენებელი ნებისმიერი გადამუშავებული, ნაწილობრივ გადამუშავებული ან გადაუმუშავებელი ნივთიერება ან პროდუქტი, საკვებდანამატის ჩათვლით;

ზ) ცხოველური პროდუქტი - ცხოველური წარმოშობის სურსათი, ასევე ცხოველური წარმოშობის არასასურსათო დანიშნულების პროდუქტი;

თ) მცენარეული პროდუქტი - მცენარეული წარმოშობის სურსათი, ასევე, მცენარეული წარმოშობის არასასურსათო დანიშნულების პროდუქტი, რომელიც თავისი ბუნებიდან ან გადამუშავების თავისებურებიდან გამომდინარე, შესაძლოა ქმნის მავნე ორგანიზმების გაჩენისა და გავრცელების რისკს;

ი) ცხოველი - ნებისმიერი ხერხემლიანი და უხერხემლო ცხოველი.

კ) შინაური ბინადარი ცხოველი - ნებისმიერი სახეობის ცხოველი, რომელიც ექვემდებრება ადამიანის მიერ მოვლას და არ ხდება მისი გამოყენება სურსათის (მათ შორის ხორცი, რძე და კვერცხი), ბეწვის, ბუმბულის, ტყავის და სხვა ნებისმიერი ცხოველური პროდუქტის წარმოებისათვის;

ლ) ცხოველთა იდენტიფიკაცია-რეგისტრაცია - ცხოველისა ან/და ცხოველთა ჯგუფისათვის ინდივიდუალური საიდენტიფიკაციო ნომრის მინიჭება, ნიშანდება და ერთიან რეესტრში შეტანა;

მ) ცხოველთა კეთილდღეობა - ცხოველის მოვლა-შენახვის და ბუნებრივი ქცევისათვის საჭირო პირობების შექმნა, რომელიც ასევე მოიცავს საკვებზე და წყალზე წვდომას, დაავადების, ტკივილის, შიშისა და სტრესისაგან დაცვას;

ნ) მცენარე - ცოცხალი მცენარეები და მათი ნაწილები, თესლისა და გენეტიკური მასალის ჩათვლით;

ო) სახელმწიფო კონტროლი - უფლებამოსილი პირის ქმედება სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში ბიზნესოპერატორის საქმიანობის საქართველოს კანონმდებლობით

განსაზღვრულ მოთხოვნებთან შესაბამისობის დასადგენად;

პ) კომპეტენტური ორგანო - სახელმწიფო ორგანო, რომელიც უფლებამოსილია განახორციელოს სახელმწიფო კონტროლი;

ჟ) მაკონტროლებელი ორგანო - დამოუკიდებელი მესამე მხარე, რომელსაც კომპეტენტური ორგანოს მიერ დელეგირებული აქვს სახელმწიფო კონტროლთან დაკავშირებული კონკრეტული ამოცანის შესრულება;

რ) უფლებამოსილი პირი – სახელმწიფო კონტროლის განმახორციელებელი პირი, რომელსაც უფლებამოსილებას ანიჭებს კომპეტენტური ორგანო;

ს) გადამუშავება - ნებისმიერი პროცესი, რომელიც მნიშვნელოვნად ცვლის პირველად პროდუქტს, მათ შორის, გაცხელება, შებოღვა, გახმობა, დამწიფება, გამოშრობა, დამარილება, გაწურვა, ექსტრაქცია, ექსტრუზია ან ამ პროცესთა ნებისმიერი კომბინაცია;

ტ) გადამუშავებელი სურსათი/ცხოველის საკვები – პროდუქტი, რომელსაც არ გაუვლია გადამუშავება და რომელიც დაიკლა, გატყავდა, დანაწილდა, დაიჩეხა, დანაწევრდა, დაიჭრა ნაჭრებად, გამოეცალა ძვლები, დაიფქვა, დაქუცმაცდა, გაიწმინდა, მოიჭრა, მოსცილდა ხაოიანი ნაწილი, გაიფცქვნა, გაცივდა, გაიყინა, სწრაფად გაიყინა ან გალღვა;

უ) გადამუშავებული სურსათი/ცხოველის საკვები – პროდუქტი, რომელიც მიიღება გადამუშავებელი სურსათის/ცხოველის საკვების გადამუშავების შედეგად. გადამუშავებული სურსათი/ცხოველის საკვები შეიძლება შეიცავდეს ინგრედიენტებს, რომლებიც აუცილებელია მის საწარმოებლად ან მისთვის სპეციფიკური თვისებების მისანიჭებლად;

ფ) საკვებდანამატი – ნივთიერება, რომელიც ჩვეულებრივ პირობებში არ გამოიყენება სურსათად/ცხოველის საკვებად, მაგრამ ემატება სურსათს/ცხოველის საკვებს წარმოების, გადამუშავების, შეფუთვის და შენახვის დროს, რის შედეგადაც ეს ნივთიერება ან მისი გარდაქმნის პროდუქტი სურსათის/ცხოველის საკვების ინგრედიენტი ხდება;

ქ) მავნე სურსათი/ცხოველის საკვები - სურსათი, ცხოველის საკვები, რომელიც არ შეესაბამება სურსათის/ცხოველის საკვების საქართველოს კანონმდებლობით განსაზღვრულ უვნებლობის მოთხოვნებს;

დ) **ბიზნესოპერატორი** – პირი, რომლის საქმიანობა უკავშირდება სურსათის/ცხოველის საკვების, ცხოველის, მცენარის, ცხოველური და მცენარეული პროდუქტის, ვეტერინარული პრეპარატის, პესტიციდის, აგროქიმიკატის წარმოებას, გადამუშავებას, დისტრიბუციას (მათ შორის, საბოლოო მომხმარებლისათვის მიწოდებას), ვეტერინარიისა და მცენარეთა დაცვის სფეროში მომსახურებას, რომელიც პასუხისმგებელია მისი საქმიანობის საქართველოს კანონმდებლობით დადგენილ მოთხოვნებთან შესაბამისობაზე;

ე) **ბიზნესოპერატორის რეგისტრაცია**–საქართველოს კანონმდებლობით დადგენილი წესით ბიზნესოპერატორის რეგისტრაცია სააგენტოში;

შ) **აღიარება (დამტკიცება)** - რეგისტრირებული ბიზნესოპერატორის საქმიანობის კანონმდებლობით დადგენილ მოთხოვნებთან შესაბამისობის დადასტურება;

ჩ) **წარმოების, გადამუშავებისა და დისტრიბუციის ეტაპები** – პროცესის ყოველი ეტაპი, სურსათის/ცხოველის საკვების, მცენარის, ცხოველის, მცენარეული და ცხოველური პროდუქტის, ვეტერინარული პრეპარატის, პესტიციდის, აგროქიმიკატის, იმპორტის, ექსპორტის, პირველადი წარმოების, გადამუშავების, შენახვის, შეგროვების, ტრანსპორტირების, რეალიზაციისა და საბოლოო მომხმარებლისათვის მიწოდების ჩათვლით;

ც) **ტრადიციული მეთოდი** – სურსათის/ცხოველის საკვების წარმოება, გადამუშავება ან/და დისტრიბუცია, ასევე პირველადი წარმოება ისტორიულად ჩამოყალიბებული, თაობიდან თაობაზე გადაცემული მეთოდების გამოყენებით, ტრადიციული ადგილობრივი ფერმერული მეურნეობებისა და სხვა ტრადიციული სამეურნეო საქმიანობების ჩათვლით; ტრადიციული მეთოდებისადმი მიკუთვნების საკითხი რეგულირდება კანონქვემდებარე ნორმატიული აქტით.

ძ) **მაღალმთიანი რეგიონი** – გეოგრაფიული არეალი, რომელიც შეესაბამება „მაღალმთიანი რეგიონების სოციალურ-ეკონომიკური და კულტურული განვითარების შესახებ“ საქართველოს კანონით განსაზღვრულ მაღალმთიანი რეგიონის ცნებას;

წ) **ოჯახური წარმოება** – სურსათის/ცხოველის საკვების წარმოება ან/და პირველადი წარმოება პირადი მოხმარების მიზნით;

ჭ) **ოჯახური წარმოების სუბიექტი** – ფიზიკური პირი, რომელიც ახორციელებს სურსათის/ცხოველის საკვების წარმოებას ან /და პირველად წარმოებას პირადი

Commented [VK1]: დღესდღეობით საზოგადოებაში სიტყვა „დისტრიბუცია“ გაგებულია, როგორც მაღაზიამდე მიწოდება და არა მაღაზიის მიერ გაყიდვა. ეს კანონის არასწორ ინტერპრეტაციას იწვევს. პრაქტიკაში არის ასეთი მაგალითები. ასე რომ, სჯობს ეს მცირე განმარტება ჩაემატოს.

Commented [VK2]: როგორ დგინდება, თუ რომელია ტრადიციული მეთოდი

მოხმარების მიზნით;

ბ) მცენარის, მცენარეული პროდუქტის წარმოების ადგილი - ნაკვეთის ან ნაგებობის ერთეული ან მათი ერთიანობა, რომელიც იმართება ფიტოსანიტარიული მოთხოვნების შესაბამისად;

ჯ) ბაზარზე განთავსება – სურსათის/ცხოველის საკვების, ცხოველის, მცენარის, მცენარეული და ცხოველური პროდუქტის, ვეტერინარული პრეპარატის, პესტიციდის ან/და აგროქიმიკატის მიწოდება სასყიდლით ან უსასყიდლოდ, ასევე გადაცემის სხვა ფორმები;

ჰ) საცალო ვაჭრობის პუნქტი – ობიექტი, სადაც ხორციელდება სურსათის/ცხოველის საკვების, ცხოველის, მცენარის, ცხოველური და მცენარეული პროდუქტის, ვეტერინარული პრეპარატის, პესტიციდის ან/და აგროქიმიკატის მიწოდება საბოლოო მომხმარებლისათვის;

ჰ¹) საბოლოო მომხმარებელი – მომხმარებელი, რომელიც სურსათს/ცხოველის საკვებს, ცხოველს, მცენარეს, ცხოველურ და მცენარეულ პროდუქტს, ვეტერინარულ პრეპარატს, პესტიციდს ან/და აგროქიმიკატს სარეალიზაციოდ არ იყენებს;

ჰ²) ხარისხი - სურსათის/ცხოველის საკვების, ცხოველის, მცენარის, ცხოველური და მცენარეული პროდუქტის, ვეტერინარული პრეპარატის, პესტიციდისა და აგროქიმიკატის მახასიათებლების შესაბამისობა სამომხმარებლო მოთხოვნებთან;

ჰ³) საფრთხე – სურსათში/ცხოველის საკვებში, ცხოველში ან მცენარეში, ცხოველურ და მცენარეულ პროდუქტში ისეთი ბიოლოგიური, ქიმიური ან ფიზიკური აგენტი ან სურსათის/ცხოველის საკვების, ცხოველის ან მცენარის, ცხოველური და მცენარეული პროდუქტის მდგომარეობა, რომელმაც შესაძლებელია ზიანი მიაყენოს ადამიანის, ცხოველის ჯანმრთელობას ან/და სიცოცხლეს, მცენარის სიჯანსაღეს;

ჰ⁴) საფრთხის ანალიზისა და კრიტიკული საკონტროლო წერტილების სისტემა (HACCP – Hazard Analysis and Critical Control Points) - მეცნიერულად დასაბუთებული მართვის ორგანიზაციული სისტემა, რომელიც საფრთხეების იდენტიფიცირებისა და მათზე კონტროლის განხორციელებით უზენებელი სურსათის წარმოების შესაძლებლობას იძლევა;

ჰ⁵) რისკი – საფრთხიდან გამომდინარე, ადამიანის, ცხოველის ჯანმრთელობაზე, მცენარის სიჯანსაღეზე მავნე ზეგავლენის გამოვლენის ალბათობა და სიმძიმე;

36) **ვეტერინარი ექიმი** - ფიზიკური პირი, რომელსაც აქვს სახელმწიფო აკრედიტაციის მქონე უმაღლესი საგანმანათლებლო დაწესებულების მიერ გაცემული, შესაბამისი უმაღლესი განათლების დამადასტურებელი დოკუმენტი;

37) **ვეტერინარი ტექნიკოსი** - პირი, რომელსაც აქვს შესაბამისი პროფესიული დიპლომი ან სერტიფიკატი;

38) **მიკვლევადობა** - სურსათის/ცხოველის საკვების, მასში გამოსაყენებლად განკუთვნილი ნებისმიერი ნივთიერების, ცხოველისა და მცენარის, ცხოველური და მცენარეული პროდუქტის, ვეტერინარული პრეპარატის, პესტიციდის და აგროქიმიკატის ასევე, მათი ტარისა ან/და შესაფუთი მასალის შესახებ მონაცემებისა და ინფორმაციის დადგენის შესაძლებლობა მათი წარმოების, გადამუშავებისა და დისტრიბუციის ეტაპებზე;

39) **პარტია** - ერთი სახეობისა და დასახელების სურსათის/ცხოველის საკვების, ცხოველური და მცენარეული პროდუქტის, ვეტერინარული პრეპარატის, პესტიციდის ან აგროქიმიკატის იდენტიფიცირებადი რაოდენობა, გამოშვებული ერთი და იმავე ბიზნესოპერატორის მიერ, ერთი და იმავე ცვლის დროს, და გაფორმებული ერთნაირი ეტიკეტით;

310) **ეტიკეტი** - სურსათთან/ცხოველის საკვებთან, მცენარეულ და ცხოველურ პროდუქტთან, ვეტერინარულ პრეპარატთან, პესტიციდთან ან აგროქიმიკატთან დაკავშირებული ნებისმიერი ინფორმაცია, სავაჭრო ნიშანი, დასახელება, ილუსტრაცია ან სიმბოლო, განთავსებული შეფუთვაზე, ან/და მასთან დაკავშირებულ თანდართულ დოკუმენტზე;

311) **შესაბამობა** - სურსათის/ ცხოველის საკვების უვნებლობის, ვეტერინარიისა და მცენარეთა დაცვის სფეროებში ბიზნესოპერატორის საქმიანობის შესაბამობა საქართველოს კანონმდებლობით დადგენილ მოთხოვნებთან;

312) **აკრედიტებული ლაბორატორია** - საქართველოს კანონმდებლობით დადგენილი წესის შესაბამისად საჯარო სამართლის იურიდიული პირის - აკრედიტაციის ერთიანი ეროვნული ორგანოს - აკრედიტაციის ცენტრის მიერ აკრედიტებული ლაბორატორია, რომელიც შეტანილია აკრედიტაციის სისტემის სახელმწიფო რეესტრში, ან საერთაშორისო (მათ შორის, სხვა ქვეყნების) აკრედიტაციის მქონე ლაბორატორია;

313) დაავადება – ინფექციის კლინიკური ან/და პათოლოგიური გამოვლინება, ასევე სხვადასხვა ზემოქმედების შედეგად ორგანიზმის ნორმალური ფუნქციონირების (ცხოველმყოფელობის) დარღვევა;

314) ინფექცია – ადამიანის ან ცხოველის ორგანიზმში პათოგენური აგენტის შეჭრა, ადაპტაცია, გამრავლება და მასპინძელი ორგანიზმის საპასუხო რეაქცია;

315) დასნებოვნებული კერა – ზონა, რომელშიც დადასტურებულია გადამდები დაავადების ან მისი აღმძვრელის არსებობა;

316) ეპიზოოტია – გადამდები დაავადებით ერთდროულად მრავალი ცხოველის დასენიანება განსაზღვრულ ტერიტორიაზე, დროის გარკვეულ მონაკვეთში;

317) გადამდები დაავადება – ცხოველთა ინფექციური ან ინვაზიური დაავადება, რომელიც გადაეძება დაავადებული ორგანიზმიდან ჯანმრთელ ორგანიზმს;

318) ზოონოზური დაავადება – ცხოველთა ისეთი გადამდები დაავადება, რომელიც ბუნებრივად გადაეძება ცხოველიდან ადამიანს და პირიქით;

319) ვეტერინარული კეთილსამედობა – დაავადებების არარსებობა განსაზღვრულ ტერიტორიაზე;

320) კრიზისული მდგომარეობა – ბუნებრივად ან ადამიანის მიერ გამოწვეული მოულოდნელი და სახიფათო მდგომარეობა, რომელიც სერიოზული საფრთხეს უქმნის ადამიანის, ცხოველის ჯანმრთელობასა და სიცოცხლეს, მცენარის სიჯანსაღეს, ინფრასტრუქტურას, გარემოს და მოითხოვს დროულ რეაგირებას;

321) ვეტერინარული პრეპარატი – ფარმაკოლოგიური, იმუნოლოგიური ან მეტაბოლური ეფექტის მქონე ნებისმიერი ნივთიერება ან ნივთიერებათა კომბინაცია, რომელიც გამოიყენება ცხოველთა დაავადების დიაგნოსტიკის ან დაავადებათა სიმპტომების აღმოფხვრის, მკურნალობისა და პროფილაქტიკისათვის, ასევე ცხოველთა სასიცოცხლო და ფიზიოლოგიური ფუნქციების აღდგენის ან/და შეცვლისათვის;

322) ფიტოსანიტარიული სერტიფიკატი – ოფიციალური დოკუმენტი, რომელიც შეესაბამება მცენარეთა დაცვის საერთაშორისო კონვენციით დადგენილ სერტიფიკატის ფორმას და ადასტურებს, რომ ტვირთი შეესაბამება ფიტოსანიტარიულ მოთხოვნებს;

323) ჰიგიენური (ჯანმრთელობის) სერტიფიკატი – სურსათის/სურსათთან დაკავშირებული ტარის უვნებლობის ჰიგიენურ მოთხოვნებთან შესაბამისობის დამადასტურებელი დოკუმენტი

324) ვეტერინარული სერტიფიკატი – ცხოველთა ჯანმრთელობის დაცვის მსოფლიო ორგანიზაციის (OIE) კოდექსების შესაბამისად, წარმოშობის ქვეყნის ან/და ექსპორტიორი ქვეყნის უფლებამოსილი ორგანოს მიერ გაცემული, ვეტერინარული კეთილსაიმედოობის დამადასტურებელი დოკუმენტი;

325) პესტიციდი – "პესტიციდებისა და აგროქიმიკატების შესახებ" საქართველოს კანონით განსაზღვრული პრეპარატი;

Commented [VK3]: უმჯობესია აქვე განიშარტოს, ისევე, როგორც ყველა სხვა ტერმინი.

326) აგროქიმიკატი – „პესტიციდებისა და აგროქიმიკატების შესახებ“ საქართველოს კანონით განსაზღვრული სასუქი ან/და ქიმიური მელიორანტი. ეს ტერმინი ამ კოდექსის მიზნებისთვის ვრცელდება ტორფზე, თუ ის გამოიყენება სასუქის სახით სასოფლო-სამეურნეო კულტურებისათვის;

327) საკარანტინო ზონა – გეოგრაფიული არეალი, რომელშიც იყო ან არსებობს დაავადებული ან დაავადებაზე საექვო ცხოველი და ხორციელდება შესაბამისი ღონისძიებები, ასევე ზონა, რომელშიც არსებობს საკარანტინო მავნე ორგანიზმი და ხორციელდება სახელმწიფო კონტროლი;

328) მცენარეთა კარანტინი - ღონისძიებათა ერთობლიობა, რომელიც მიმართულია საკარანტინო მავნე ორგანიზმების შემოჭრის ან/და გავრცელების თავიდან ასაცილებლად ან მათი სახელმწიფო კონტროლის უზრუნველსაყოფად;

329) ვეტერინარული კარანტინი – ღონისძიება ან ღონისძიებათა ერთობლიობა გადამდები დაავადებების გამოვლენის ან/და გავრცელების თავიდან ასაცილებლად;

330) ფიტოსანიტარული ზომა - პროცედურა, რომელიც გამოიყენება საკარანტინო მავნე ორგანიზმების შემოჭრის ან / და გავრცელების თავიდან აცილების მიზნით ან არასაკარანტინო მავნე ორგანიზმების მიერ გამოწვეული ეკონომიკური ზიანის შესამცირებლად;

331) ფიტოსანიტარული რეგულირებადი ობიექტი – მცენარე, მცენარეული პროდუქტი ან სხვა ორგანიზმი, დასაწყობების ადგილი, შეფუთვა, სატრანსპორტო საშუალება, კონტეინერი, ნიადაგი, ან მასალა, რომელშიც შესაძლებელია მავნე ორგანიზმის არსებობა ან/და რომელიც ხელს უწყობს მის გავრცელებას. რომლის მიმართ აუცილებელია ფიტოსანიტარული ზომების განხორციელება, განსაკუთრებით საერთაშორისო გადაზიდვების შემთხვევაში;

332) ცხოველთა საკარანტინო დაავადება – დაავადება, რომელიც ხასიათდება

ფართო არეალზე სწრაფი გავრცელებით, ცხოველთა მაღალი ავადობით ან სიკვდილიანობით;

333) მავნე ორგანიზმი – მცენარეებისათვის ან მცენარეული პროდუქტებისათვის მავნე მცენარის, ცხოველის ან პათოგენური აგენტის ნებისმიერი სახეობა, სახესხვაობა ან ბიოტიპი. მავნე ორგანიზმი შეიძლება იყოს საკარანტინო ან არასაკარანტინო;

334) საკარანტინო მავნე ორგანიზმი – მავნე ორგანიზმი, რომელსაც პოტენციური ეკონომიკური მნიშვნელობა აქვს საფრთხეს დაქვემდებარებული იმ ზონისათვის, რომელშიც ის ჯერ არ არსებობს, ან არსებობს, მაგრამ შეზღუდულადაა გავრცელებული და იმყოფება სახელმწიფო კონტროლის ქვეშ;

335) არასაკარანტინო მავნე ორგანიზმი – მავნე ორგანიზმი, რომელიც მოცემული ზონისათვის არ არის საკარანტინო მავნე ორგანიზმი;

336) ტვირთი – მცენარის, მცენარეული პროდუქტის, განსაზღვრული რაოდენობა, რომელიც გადაადგილება შესაბამისი ფიტოსანიტარიული სერტიფიკატით. ტვირთი შეიძლება შედგებოდეს ერთი ან მეტი პარტიისაგან;

337) სპეციალურ კონტროლს დაქვემდებარებული ნივთიერება – „ნარკოტიკული საშუალებების, ფსიქოტროპული ნივთიერებების, პრეკურსორებისა და ნარკოლოგიური დახმარების შესახებ“ საქართველოს კანონით განსაზღვრული ნივთიერება.

3. მე-4 მუხლი ჩამოყალიბდეს შემდეგი რედაქციით:

„ მუხლი 4. რისკის ანალიზის პრინციპი

1. ამ კოდექსით გათვალისწინებული ზომები და ქმედებები უნდა ეფუძნებოდეს რისკის ანალიზს.

2. რისკის ანალიზი მოიცავს სამ ურთიერთდაკავშირებულ კომპონენტს: რისკის შეფასებას, რისკის კომუნიკაციას და რისკის მართვას.

3. რისკის ანალიზთან დაკავშირებული ღონისძიებებია:

ა) შესაძლო საფრთხესთან დაკავშირებით სამეცნიერო დასკვნის წარდგენა, შესაბამისი უფლებამოსილი ორგანოებისა და სხვა დაინტერესებულ მხარეთათვის საჭიროებისამებრ;

ბ) რისკის შეფასებისა და სახელმწიფო კონტროლის მეთოდოლოგიის შემუშავების ხელშეწყობა და კოორდინირება;

- გ) საჭიროებისამებრ სამეცნიერო და ტექნიკური მონაცემების მოკვლევა, შეროვნება, აღრიცხვა და ანალიზი;
- დ) ახალი საფრთხეების იდენტიფიცირება და აღწერა საჭიროებისამებრ ;
- ე) დაინტერესებული მხარეების თანამშრომლობის ხელშეწყობა;
- ვ) მეცნიერული და საექსპერტო დახმარება საგანგებო ვითარების დროს ამ კოდექსის 51-ე მუხლის შესაბამისად საგანგებო ზომების მიღებისას;
- ზ) რისკის ანალიზთან დაკავშირებული სხვა ღონისძიებები.

4. მე-5 მუხლი ჩამოყალიბდეს შემდეგი რედაქციით:

„მუხლი 5. რისკის შეფასება

1. რისკის შეფასება მოიცავს ოთხ საფეხურს: საფრთხის იდენტიფიცირებას, საფრთხის აღწერა-დახასიათებას, საფრთხის ზეგავლენის შეფასებას და რისკის დახასიათებას.
2. რისკის შეფასება ეფუძნება ხელმისაწვდომ მეცნიერულად დასაბუთებულ შედეგებსა და მონაცემებს.
3. რისკის შეფასება ხორციელდება დამოუკიდებლად, ობიექტურად და გამჭვირვალედ.“

5. მე-7 მუხლი ჩამოყალიბდეს შემდეგი რედაქციით:

„მუხლი 7. რისკის მართვა

1. რისკის მართვა არის რისკის შეფასებისაგან განსხვავებული პროცესი, რომელიც რისკის შეფასების შედეგებიდან გამომდინარე, სათანადო ალტერნატივის შერჩევის საშუალებით, მიზნად ისახავს რისკების პრევენციისა და კონტროლის შესაბამისი ზომების შერჩევას.
2. რისკების შემცირების, აღმოფხვრისა და პრევენციისათვის განხორციელებული ზომები ეფექტიანი, ობიექტური და რისკის პროპორციული უნდა იყოს.“

6. მე-8 მუხლი ამოღებულ იქნას.

7. მე-9 მუხლი ჩამოყალიბდეს შემდეგი რედაქციით:

„მუხლი 9. პრევენციის პრინციპი

1. განსაკუთრებული გარემოების დროს, როდესაც არსებული ინფორმაციის საფუძველზე არსებობს ეჭვი ადამიანის ან ცხოველის ჯანმრთელობასთან ან მცენარის სიჯანსაღესთან დაკავშირებული საფრთხის არსებობის შესახებ, ამასთანავე, დროებით ვერ ხერხდება ამ ინფორმაციის მეცნიერულად დასაბუთება, შესაძლებელია რისკის მართვის დროებითი ზომების განხორციელება.

2. ამ მუხლის პირველი ნაწილის შესაბამისად მიღებული ზომები საფრთხის პროპორციული უნდა იყოს და მათი გადახედვა უნდა მოხდეს გონივრულ ვადაში, ადამიანის /ცხოველის ჯანმრთელობასთან და მცენარის სიჯანსაღესთან დაკავშირებული რისკის ბუნებიდან გამომდინარე“.

8. მე-10 მუხლი ჩამოყალიბდეს შემდეგი რედაქციით:

„მუხლი 10. გამჭვირვალობის პრინციპი

1. რისკის შეფასების, მართვის ზომების შემუშავებისა და განხილვის პროცესი არის საჯარო, გარდა საქართველოს კანონმდებლობით განსაზღვრული შემთხვევებისა.

2. რისკის შესახებ საფუძვლიანი ეჭვის არსებობის შემთხვევაში, ამ რისკის ხასიათიდან, მასშტაბიდან და სერიოზულობიდან გამომდინარე, სააგენტო ვალდებულია საზოგადოებას ეფექტიანი გზებითა და საშუალებებით მიაწოდოს შესაბამისი ინფორმაცია ადამიანის ან ცხოველის ჯანმრთელობაზე ან მცენარის სიჯანსაღეზე საფრთხის გავლენის და საფრთხის შემცველი ან/და ადამიანის მოხმარებისათვის შეუსაბამო პროდუქტის (კერძოდ, სულ მცირე პროდუქტის სახელწოდების, სავაჭრო ნიშნის, მწარმოებლის ან/და დისტრიბუტორის ზუსტი დასახელების), შესახებ, ასევე იმ ზომების თაობაზე, რომლებიც მიიღება რისკის შესამცირებლად ან აღმოსაფხვრელად.“

Commented [VK4]: შეიძლება მოხდეს ისე, რომ ინფორმაცია მიეწოდოს მხოლოდ გარკვეულ მედიასაშუალებას, რომელსაც დაბალი რეიტინგი და ნდობა აქვს საზოგადოებაში. თუ მხოლოდ ის ეწერება კოდექსში, რომ საზოგადოებას ინფორმაცია უნდა მიეწოდოს, მაშინ ასეთ შემთხვევაში კანონი დარღვეული არ იქნება. ამიტომ აჯობებს, რომ კანონის დონეზე უფრო მყარი გარანტია შეიქმნას იმისა, რომ ინფორმაცია ქმედითი გზებით გავრცელდეს.

Commented [VK5]: გამჭვირვალობის ასეთი სტანდარტი განმტკიცებულია ევროპარლამენტის და საბჭოს 2002 წლის 28 იანვრის №178/2002 რეგულაციის მე-10 მუხლით. უფრო მეტიც ევროკავშირის მართლმსაჯულების სასამართლომ 2013 წლის 11 აპრილის გადაწყვეტილებით (საქმე: C 636/11, Karl Berger v Freistaat Bayern) №178/2002 რეგულაციის მე-10 მუხლი იმეგარად განმარტა, რომ ევროკავშირის წევრი სახელმწიფოების კანონმდებლობა არ უნდა ზღუდავდეს და სახელმწიფოს ვალდებულება საზოგადოებას მიაწოდოს ინფორმაცია პროდუქტის სახელწოდების, სავაჭრო ნიშნის, მწარმოებლის ან დისტრიბუტორის ზუსტი დასახელების შესახებ „იმ შემთხვევებშიც კი როდესაც პროდუქტი არ არის მავნებელი ჯანმრთელობისთვის, მაგრამ შეუსაბამო ადამიანის მიერ მოხმარებისათვის“.

9. კოდექსს დაემატოს მე-10¹ მუხლი და ჩამოყალიბდეს შემდეგი რედაქციით:

„მუხლი 10¹. მომხმარებელთა ინტერესების დაცვა

1. მომხმარებელს უნდა მიეწოდოს სურსათი/ცხოველის საკვებთან, ცხოველთან, მცენარესთან, ცხოველურ და მცენარეულ პროდუქტთან, ვეტერინარულ პრეპარატთან, პესტიციდსა და აგროქიმიკატთან დაკავშირებული აუცილებელი, უტყუარი, სრული ინფორმაცია, რაც მას სწორი არჩევნის საშუალებას მისცემს.

2. წინამდებარე კოდექსის მოთხოვნებიდან გამომდინარე, მომხმარებელი დაცული უნდა იქნეს მოტყუებისა და შეცდომაში შეყვანის მცდელობისაგან.

3. დაუშვებელია სურსათის/ ცხოველის საკვების იმგვარი ეტიკეტირება, რეკლამა ან წარდგენა (მათ შორის დაფასოება, შეფუთვა, განთავსება), რომელმაც შეიძლება შეცდომაში შეიყვანოს მომხმარებელი სურსათის/ცხოველის საკვების ნამდვილ ბუნებასთან, მის შემადგენლობასთან, თვისებებთან ან სხვა მახასიათებლებთან დაკავშირებით.

4. აღკვეთილი ან/და თავიდან აცილებული უნდა იქნეს ყველა სხვა ქმედება, რომელსაც შეუძლია შეცდომაში შეიყვანოს მომხმარებელი.

5. მომხმარებელთა ინტერესების დაცვის მიზნით, სააგენტოს მიერ ხორციელდება სურსათის/ცხოველის საკვებთან, ცხოველთან, მცენარესთან, ცხოველურ და მცენარეულ პროდუქტთან, ვეტერინარულ პრეპარატთან, პესტიციდსა და აგროქიმიკატთან დაკავშირებული, საქართველოს კანონმდებლობით დადგენილი და ბიუნესოპერატორის მიერ დეკლარირებული ინფორმაციის შესაბამისობის დადგენა.

6. მომხმარებელთა ინტერესების დაცვის მიზნით, სააგენტოს მიერ ხორციელდება მოქალაქეთა, ან იურიდიულ პირთაგან მიღებულ შეტყობინებებზე ოპერატიული რეაგირება“.

10. მე-3 თავის სათაური ჩამოყალიბდეს შემდეგი რედაქციით:

„თავი III სურსათის/ცხოველის საკვების უვნებლობის, ვეტერინარიისა და მცენარეთა დაცვის მოთხოვნები“

11. მე-11 მუხლი ჩამოყალიბდეს შემდეგი რედაქციით:

„მუხლი 11. სურსათის უვნებლობის მოთხოვნები

1. ბაზარზე განთავსებული სურსათი, უნდა აკმაყოფილებდეს საქართველოს კანონმდებლობით დადგენილ სურსათის უვნებლობის მოთხოვნებს.

2. დაუშვებელია სურსათის ბაზარზე განთავსება, თუ იგი მავნეა.

3. სურსათი მიიჩნევა მავნედ, თუ იგი:

- ა) ჯანმრთელობისთვის საზიანოა;
- ბ) არ არის მიზანშეწონილი ადამიანის მიერ მოხმარებისათვის.

4. სურსათის უვნებლობის დადგენისას გათვალისწინებული უნდა იქნეს:

ა) სურსათის წარმოების, გადამუშავებისა და დისტრიბუციის, ასევე პირველადი წარმოების შესაბამისობა საქართველოს კანონმდებლობით განსაზღვრულ მოთხოვნებთან;

ბ) საბოლოო მომხმარებლის მიერ სურსათის დანიშნულებისამებრ გამოყენება;

Commented [VK6]: გაუგებარია, რა იგულისხმება შეტყობინებებში. რეაგირება ისიც, რომ ამ ინფორმაციას გაითვალისწინებენ მომავალი წლის კონტროლის გეგმის შედგენისას. ამიტომ ჩვენი წინადადებაა, რომ ეს მუხლი ჩამოყალიბდეს ასეთი რედაქციით.

გ) სურსათით, ან ცალკეული კატეგორიის სურსათით გამოწვეული მავნე ზეგავლენის თავიდან ასაცილებლად მომხმარებლისათვის მოწოდებული ნებისმიერი ინფორმაცია ეტიკეტზე დატანილი ინფორმაციის ჩათვლით, ან სხვა ინფორმაცია, რომელიც ხელმისაწვდომია მომხმარებლისთვის.

დ) სურსათის არა მხოლოდ შესაძლო მეყსეული, ხანმოკლე ან გრძელვადიანი გავლენა მომხმარებელზე, არამედ მისი ეფექტი მომდევნო თაობებზე;

ე) შესაძლო ტოქსიკური კუმულაციური ეფექტი;

ვ) განსაკუთრებული კატეგორიის მომხმარებლის ჯანმრთელობაზე სურსათის ზეგავლენის დონე, თუ ეს სურსათი აღნიშნული კატეგორიის მომხმარებლისთვისაა განკუთვნილი.

5. სურსათის ადამიანის მიერ გამოყენების მიზანშეწონილობის დასადგენად, გათვალისწინებული უნდა იქნეს თუ რამდენად დასაშვებია სურსათი ადამიანის მიერ დანიშნულებისამებრ მოხმარებისთვის დაბინძურების, დაობების, ლპობის ან გარეგნული დაზიანების ნიშნების არსებობის გამო.

6. თუ სურსათი მავნეა, ამ სურსათის მთელი პარტია მიიჩნევა მავნედ, გარდა იმ შემთხვევისა, თუ პარტიის დეტალური შემოწმებისას დადასტურდება, რომ პარტიის დანარჩენი ნაწილი აკმაყოფილებს სურსათის უვნებლობის მოთხოვნებს.

7. სურსათის შესაბამისობა საქართველოს კანონმდებლობით დადგენილ სურსათის უვნებლობის მოთხოვნებთან არ გამორიცხავს სააგენტოს მიერ სათანადო ზომების მიღებას ბაზარზე მისი განთავსების შეზღუდვასთან/აკრძალვასთან ან ბაზრიდან მის ამოღებასთან დაკავშირებით, თუ არსებობს საფუძვლიანი ეჭვი, რომ საქართველოს კანონმდებლობით დადგენილ სურსათის უვნებლობის მოთხოვნებთან სურსათის შესაბამისობის მიუხედავად, სურსათი უვნებელი არ არის“.

12. მე-12 მუხლის მე-3 და მე-4 ნაწილები ჩამოყალიბდეს შემდეგი შემდეგი რედაქციით:

„3. ცხოველის საკვები მიიჩნევა მავნედ დანიშნულებისამებრ გამოყენებისათვის, თუ:

ა) ეს საკვები რისკს წარმოქმნის ცხოველის ჯანმრთელობისათვის;

ბ) ამ საკვებით გამოკვებილი ცხოველისაგან მიღებული სურსათი მავნეა ადამიანის ჯანმრთელობისათვის.

4. თუ ცხოველის საკვები არ შეესაბამება ცხოველის საკვების უვნებლობის მოთხოვნებს, ამ ცხოველის საკვების მთელი პარტია მიიჩნევა მავნედ, გარდა იმ შემთხვევისა, თუ პარტიის დეტალური შემოწმებისას დადასტურდება, რომ პარტიის დანარჩენი ნაწილი აკმაყოფილებს ცხოველის საკვების უვნებლობის მოთხოვნებს“.

13. მე-12 მუხლს დაემატოს „მე-12“ და „მე-12“ მუხლები და ჩამოყალიბდეს შემდეგი შემდეგი რედაქციით:

„მუხლი 12¹ . ვეტერინარული მოთხოვნები

1. ვეტერინარული მოთხოვნები ეს არის მოთხოვნები, რომელიც წესდება ცხოველისა და ადამიანის სიცოცხლისა და ჯანმრთელობის დაცვის უზრუნველსაყოფად, ქვეყანაში ვეტერინარული კეთილსაიმედოობის შესანარჩუნებლად, დაავადების წარმოშობის შემთხვევაში კერების ლოკალიზაცია - ლიკვიდაციისათვის, ეპიზოოტიური მდგომარეობის განსაზღვრა - შეფასებისათვის, ცხოველის დაავადების პრევენციის, ცხოველური წარმოშობის პროდუქტების კონტროლისა და ცხოველთა კეთილდღეობისთვის.

2. ვეტერინარული მოთხოვნებია:

ა) ქვეყნის ტერიტორიის დაცვა გადამდები დაავადებების გამომწვევების შემოჭრა- შემოტანისა და გავრცელებისაგან;

ბ) ქვეყანაში ვეტერინარული კეთილსაიმედოობის მიღწევა და შენარჩუნება;

გ) მოსახლეობის დაცვა ზოონოზური დაავადებებისაგან;

დ) ცხოველთა, მათ შორის, შინაურ ბინადარ ცხოველთა, ჯანმრთელობისა და კეთილდღეობის უზრუნველყოფა;

ე) ცხოველთა დაავადების საწინააღმდეგო სადიაგნოსტიკო, პრევენციული და სალიკვიდაციო ღონისძიებების განხორციელება;

ვ) ცხოველთა და ცხოველური პროდუქტების სერტიფიცირება;

ზ) ცხოველური პროდუქტების კეთილსაიმედოობა;

თ) ცხოველთა იდენტიფიკაცია-რეგისტრაცია;

ი) ვეტერინარული პრეპერატის შესაბამისობა საქართველოს კანონმდებლობით დადგენილ მოთხოვნებთან.

მუხლი 12². მცენარეთა დაცვის მოთხოვნები

1. ქვეყნის ტერიტორია დაცული უნდა იქნეს საკარანტინო მავნე ორგანიზმების

შემოჭრა, შემოტანა ან/და გავრცელებისაგან.

2. მცენარეები, მცენარეული პროდუქტი, სხვა რეგულირებადი ობიექტი დაცული უნდა იქნეს მავნე ორგანიზმებისაგან ფიტოსანიტარიული ზომების გამოყენებით.

3. უზრუნველყოფილი უნდა იქნეს:

ა) ადამიანის, ცხოველის ჯანმრთელობაზე და გარემოზე პესტიციდებისა და აგროქიმიკატების მავნე ზემოქმედების თავიდან აცილება;

ბ) რეგულირებადი ობიექტის ფიტოსანიტარიული სერტიფიცირება.“

14. მე-13 მუხლი ჩამოყალიბდეს შემდეგი რედაქციით:

„მუხლი 13. ბიზნესოპერატორად რეგისტრაცია, აღიარება (დამტკიცება)

1. ბიზნესოპერატორი ვალდებულია, გაიაროს შესაბამისი რეგისტრაცია საქართველოს კანონმდებლობით დადგენილი წესით.

2. რეგისტრაციის გარეშე ბიზნესოპერატორის საქმიანობა აკრძალულია.

3. აღიარებას (დამტკიცებას) ექვემდებარება ის ბიზნესოპერატორი, რომლის საქმიანობის სფერო განისაზღვრება საქართველოს სოფლის მეურნეობის მინისტრის შესაბამისი ბრძანებით.

4. ბიზნესოპერატორის აღიარება (დამტკიცება) ხორციელდება სააგენტოს მიერ სახელმწიფო კონტროლის შედეგების მიხედვით, იმ შემთხვევაში, თუ ბიზნესოპერატორის საქმიანობა სრულად შეესაბამება საქართველოს კანონმდებლობით დადგენილ მოთხოვნებს.

5. აკრძალულია აღიარების (დამტკიცების) გარეშე იმ ბიზნესოპერატორების საქმიანობა, რომლებიც ექვემდებარებიან აღიარებას (დამტკიცებას).“

15. მე-14-მე-16 მუხლები ამოღებულ იქნას.

16. კოდექსს დაემატოს მე-III¹ თავი და ჩამოყალიბდეს შემდეგი რედაქციით:

„თავი III¹ ბიზნესოპერატორის ვალდებულებები“

„მუხლი 14¹. ბიზნესოპერატორის ვალდებულებები სურსათის/ცხოველის საკვების უვნებლობის სფეროში

1. ბიზნესოპერატორი, თავისი საქმიანობის ფარგლებში, ვალდებულია უზრუნველყოს სურსათის/ცხოველის საკვების შესაბამისობა ამ კოდექსისა და შესაბამისი კანონმდებლობის მოთხოვნებთან, სურსათის/ცხოველის საკვების წარმოების, გადამამუშავებისა და დისტრიბუციის ეტაპებზე.

Commented [VK7]: რის საფუძველზე განისაზღვრება ეს სფერო? სჯობს, რომ კანონში ეწეროს, როგორც მინიმუმ, რაიმე საფუძველი, რომელსაც მერე დაეყრდნობა სოფლის მეურნეობის მინისტრის ბრძანება.

2. თუ ბიზნესოპერატორს აქვს საფუძვლიანი ეჭვი, რომ მის მიერ იმპორტირებული, წარმოებული, გადამუშავებული, სადისტრიბუციო ან ბაზარზე განთავსებული სურსათი/ცხოველის საკვები არ შეესაბამება საქართველოს კანონმდებლობით დადგენილ სურსათის/ცხოველის საკვების უვნებლობის მოთხოვნებს ის ვალდებულია დაუყოვნებლივ მიიღოს ზომები ამ სურსათის/ცხოველის საკვების ბაზარზე განთავსების აღსაკვეთად ან ბაზარზე უკვე განთავსებული სურსათის/ცხოველის საკვების ამოსადებად. თუ ასეთი სურსათი/ცხოველის საკვები მიწოდებულია საბოლოო მომხმარებლისთვის, ბიზნესოპერატორმა ეფექტიანად უნდა მიაწოდოს მომხმარებელს სრულყოფილი ინფორმაცია სურსათის/ცხოველის საკვების ბაზრიდან ამოღების მიზეზების შესახებ მომხმარებლისათვის გასაგები ფორმით. თუ ჯანმრთელობის დაცვის მისაღწევად გატარებული ზომები არ არის საკმარისი, ამ შემთხვევაში ბიზნესოპერატორმა უნდა გამოითხოვოს მომხმარებლისთვის უკვე მიწოდებული სურსათი/ცხოველის საკვები.

3. თუ სააგენტოს აქვს საფუძვლიანი ეჭვი, რომ ბიზნესოპერატორის მიერ იმპორტირებული, წარმოებული, გადამუშავებული, სადისტრიბუციო ან ბაზარზე განთავსებული სურსათი/ცხოველის საკვები მავნეა, ბიზნესოპერატორი ვალდებულია, სააგენტოს მითითების შესაბამისად, დაუყოვნებლივ მიიღოს ზომები ამ სურსათის/ცხოველის საკვების ბაზარზე განთავსების აღსაკვეთად, ბაზარზე უკვე განთავსებული ან/და მომხმარებლისთვის უკვე მიწოდებული სურსათის/ცხოველის საკვების გამოსათხოვად.

4. ბიზნესოპერატორი ვალდებულია ამ მუხლის მე-2 და მე-3 ნაწილებით განსაზღვრულ შემთხვევაში, მიღებული ზომების თაობაზე, დაუყოვნებლივ წერილობით აცნობოს სააგენტოს.

მუხლი 14². ბიზნესოპერატორის ვალდებულებები ვეტერინარიის სფეროში

1. ბიზნესოპერატორი, რომელიც ეწევა ცხოველის მოშენებას, რეალიზაციას, გადარეკვას, გადაზიდვას ან/და დაკვლას, ვალდებულია დაიცვას შემდეგი მოთხოვნები:

ა) განახორციელოს ეპიზოოტიის საწინააღმდეგო, პრევენციული და სალიკვიდაციო ღონისძიებები, მათ შორის, ვაქცინაცია, დიაგნოსტიკური გამოკვლევები, მკურნალობა და გადამდები დაავადებების საწინააღმდეგო სხვა ღონისძიებები;

ბ) ცხოველის დაკვლა, მისი რეალიზაციის მიზნით, განხორციელდეს

ვეტერინარული ზედამხედველობით;

გ) შეასრულოს სააგენტოს მითითებები, ეპიზოოტიის საწინააღმდეგო, პრევენციული და სალიკვიდაციო ღონისძიებების განსახორციელებლად;

დ) ითანამშრომლოს შესაბამის უფლებამოსილ ორგანოებთან ცხოველის დაავადების საწინააღმდეგო სადიაგნოსტიკო, პრევენციული, სალიკვიდაციო და იდენტიფიკაცია-რეგისტრაციის ღონისძიებების განხორციელებისას;

ე) უზრუნველყოს ცხოველთა, მათ შორის, შინაურ ბინადარ ცხოველთა, კეთილდღეობა;

ვ) უზრუნველყოს ცხოველთა გადარეკვა და გადაზიდვა, შესაბამისი ვეტერინარული დოკუმენტის თანხლებით;

გ) უზრუნველყოს ცხოველთა გადარეკვა, გადაზიდვა და რეალიზაცია საქართველოს კანონმდებლობით დადგენილი წესით;

ზ) უზრუნველყოს ლემის განადგურება საქართველოს კანონმდებლობით დადგენილი წესით.

ზ) უზრუნველყოს ბიოლოგიური ნარჩენების განადგურება საქართველოს კანონმდებლობით დადგენილი წესით;

თ) ცხოველთა გადამდები დაავადებების, ასევე, ცხოველთა მასობრივი მოწამვლა-მოშხამვის შემთხვევების შესახებ დაუყოვნებლივ აცნობოს სააგენტოს.

2. ამ მუხლის პირველი ნაწილის „გ“ , „დ“, „ე“, „ვ“, „ზ“ და „თ“ ქვეპუნქტები ვრცელდება ოჯახური წარმოების სუბიექტზეც.

3. ბიზნესოპერატორი, რომელიც ახორციელებს ცხოველური პროდუქტების წარმოებას, გადამამუშავებას, დისტრიბუციას, თავის საქმიანობის ფარგლებში ვალდებულია, დაიცვას შემდეგი მოთხოვნები:

ა) ცხოველური პროდუქტები უნდა იყოს კეთილსაიმედო;

ბ) შეასრულოს სააგენტოს მითითებები, ეპიზოოტიის საწინააღმდეგო, პრევენციული და სალიკვიდაციო ღონისძიებების განსახორციელებლად და ითანამშრომლოს შესაბამის უფლებამოსილ ორგანოებთან, ცხოველის დაავადების საწინააღმდეგო სადიაგნოსტიკო, პრევენციული და სალიკვიდაციო ღონისძიებების განხორციელებისას;

გ) უზრუნველყოს ცხოველური პროდუქტების გადაადგილება, შესაბამისი

ვეტერინარული დოკუმენტის თანხლებით;

4. ამ მუხლის მესამე ნაწილის „ბ“ ქვეპუნქტი ვრცელდება ოჯახური წარმოების სუბიექტზეც.

5. ბიზნესოპერატორი, რომლის საქმიანობა უკავშირდება ვეტერინარული პრეპარატების წარმოებასა და დისტრიბუციას, ვალდებულია დაიცვას შემდეგი მოთხოვნები:

ა) სარეალიზაციოდ განკუთვნილი ვეტერინარული პრეპარატი რეგისტრირებული უნდა იქნეს საქართველოს კანონმდებლობით დადგენილი წესით;

ბ) დაცული უნდა იქნას ვეტერინარული პრეპარატის ხარისხთან დაკავშირებული მოთხოვნები;

გ) საქართველოს კანონმდებლობით გათვალისწინებული სხვა მოთხოვნები.

6. ვეტერინარულ საქმიანობასთან დაკავშირებული სხვა ბიზნესოპერატორები თავიანთ საქმიანობას უნდა ახორციელებდნენ საქართველოს კანონმდებლობით დადგენილი მოთხოვნების შესაბამისად.

მუხლი 14³. ბიზნესოპერატორის ვალდებულებები მცენარის დაცვის სფეროში

1. ბიზნესოპერატორი, რომელიც ეწევა მცენარის, მცენარეული პროდუქტის წარმოებას, გადამუშავებას ან/და დისტრიბუციას, ვალდებულია:

ა) დაიცვას მცენარე, მცენარეული პროდუქტი, წარმოების ადგილი, საკარანტინო მავნე ორგანიზმებისაგან;

ბ) არ დაუშვას გამოყენებული პესტიციდებისა და აგროქიმიკატების მავნე ზემოქმედება ადამიანისა და ცხოველის ჯანმრთელობაზე და გარემოზე;

გ) შეასრულოს სააგენტოს მითითებები, იმ განსაკუთრებით საშიში ან/და საკარანტინო მავნე ორგანიზმების მასობრივი გავრცელების თავიდან ასაცილებლად, რომლებიც საშიშია ადამიანის ჯანმრთელობისთვის ან მცენარის სიჯანსაღისათვის;

დ) ითანამშრომლოს შესაბამის უფლებამოსილ ორგანოებთან, მავნე ორგანიზმების გავრცელების საწინააღმდეგო, პრევენციული და სალიკვიდაციო ღონისძიებების განხორციელებისას;

ე) საკარანტინო მავნე ორგანიზმების გამოვლენის ან/და ეჭვის შემთხვევაში, დაუყონებლივ აცნობოს სააგენტოს;

ვ) აწარმოოს აღრიცხვა წარმოების ადგილზე მავნე ორგანიზმების გავრცელების

თაობაზე ჩატარებული დაცვითი ღონისძიებებისა და გამოყენებული მცენარეთა დაცვის საშუალებების შესახებ.

2. ამ მუხლის პირველი ნაწილის „გ“, „დ“ და „ე“ ქვეპუნქტები ვრცელდება ოჯახური წარმოების სუბიექტზე“.

17. მე-17 მუხლი ჩამოყალიბდეს შემდეგი რედაქციით:

„მუხლი 17. მოთხოვნები მიკვლევადობისათვის

1. სურსათის/ცხოველის საკვების, მცენარის, ცხოველის, მცენარეული და ცხოველური პროდუქტის, ვეტერინარული პრეპარატის, პესტიციდისა და აგროქიმიკატის, ასევე, მათი ტარისა ან/და შესაფუთი მასალის მიკვლევადობა უზრუნველყოფილი უნდა იქნეს წარმოების, გადამამუშავებისა და დისტრიბუციის ეტაპებზე.

2. მიკვლევადობის განსახორციელებლად, აუცილებელია, ბიზნესოპერატორი ფლობდეს სათანადო ინფორმაციას, აწარმოებდეს შესაბამის დოკუმენტაციასა და ჩანაწერებს. ამ მიზნით ბიზნესოპერატორს უნდა ჰქონდეს შემოღებული სისტემები და პროცედურები, რომელიც ამგვარი ინფორმაციით უზრუნველყოფს კომპენტენტურ ორგანოებს მოთხოვნისამებრ.

3. მიკვლევადობის განხორციელებისათვის სურსათის/ცხოველის საკვები, მცენარე, ცხოველი, მცენარეული და ცხოველური პროდუქტი, ვეტერინარული პრეპარატი, პესტიციდი და აგროქიმიკატი ეტიკეტირებული უნდა იყოს საქართველოს კანონმდებლობით დადგენილი წესით.

4. სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში, მიკვლევადობის ზოგადი პრინციპები და მოთხოვნები, განისაზღვრება შესაბამისი ნორმატიული აქტით.“

18. კოდექსს დაემატოს მე-17¹ მუხლი და ჩამოყალიბდეს შემდეგი რედაქციით:

„მუხლი 17¹ . საფრთხის ანალიზისა და კრიტიკული საკონტროლო წერტილების პრინციპებზე დაფუძნებულ სისტემასთან დაკავშირებული მოთხოვნები

1. სურსათის ბიზნესოპერატორს დანერგილი უნდა ჰქონდეს სურსათის უვნებლობის პროცედურები, საფრთხის ანალიზისა და კრიტიკული საკონტროლო წერტილების (HACCP) სისტემის პრინციპების შესაბამისად.

2. საფრთხის ანალიზისა და კრიტიკული საკონტროლო წერტილების (HACCP)

პრინციპებია:

ა) ნებისმიერი საფრთხის იდენტიფიცირება, მისი თავიდან აცილების, აღმოფხვრის ან სათანადო დონემდე შემცირების მიზნით;

ბ) კრიტიკული საკონტროლო წერტილების დადგენა იმ ეტაპებზე ან ეტაპზე, სადაც აუცილებელია განხორციელდეს კონტროლი საფრთხის თავიდან აცილების, აღმოფხვრის ან სათანადო დონემდე შემცირების მიზნით;

გ) კრიტიკულ საკონტროლო წერტილებზე, კრიტიკული ზღვრების დადგენა, საფრთხის თავიდან აცილების, აღმოფხვრის ან სათანადო დონემდე შემცირების მისაღები დონის დადგენის მიზნით;

დ) კრიტიკულ საკონტროლო წერტილებზე, ეფექტიანი მონიტორინგის დანერგვა და განხორციელება;

ე) მაკორექტირებელი ქმედებების განსაზღვრა, იმ შემთხვევისათვის, როდესაც მონიტორინგით დგინდება, რომ კრიტიკული საკონტროლო წერტილი სცილდება დადგენილ კრიტიკულ ზღვარს;

ვ) პროცედურების შემუშავება ამ მუხლის მეორე ნაწილის „ა“, „ბ“, „გ“ და „ე“ ქვეპუნქტებით განსაზღვრული ქმედებების რეგულარულად შემოწმების მიზნით;

ზ) ამ მუხლის მეორე ნაწილის „ა“-„ვ“ ქვეპუნქტებით გათვალისწინებული ღონისძიებების შესახებ ჩანაწერების წარმოება.

3. სურსათში, სურსათის წარმოების ნებისმიერ ეტაპზე და პროცესში ნებისმიერი ცვლილებისას, ბიზნესოპერატორი ვალდებულია განახორციელოს შესაბამისი ცვლილებები საფრთხის ანალიზისა და კრიტიკული საკონტროლო წერტილების პრინციპებზე დაფუძნებულ სისტემაში.

4. საფრთხის ანალიზისა და კრიტიკული საკონტროლო წერტილების (HACCP) სისტემა არ არის სავალდებულო იმ ბიზნესოპერატორებისათვის, რომლებიც ეწევიან პირველად წარმოებას.

5. სურსათის/ცხოველის საკვების წარმოების, გადამამუშავებისა და დისტრიბუციის სახეები, რომელთათვისაც სავალდებულოა საფრთხის ანალიზისა და კრიტიკული საკონტროლო წერტილების პრინციპებზე დაფუძნებული სისტემის დანერგვა, განისაზღვრება შესაბამისი ნორმატიული აქტებით.

19. მე-18 მუხლი ჩამოყალიბდეს შემდეგი რედაქციით:

Commented [VK8]: კანონით უნდა განისაზღვროს, როგორც მინიმუმ რაღაც საფუძველი, რომელსაც მერე დაეყრდნობა შესაბამისი ნორმატიული აქტები.

„მუხლი 18. ეტიკეტირების წესი

1. სარეალიზაციოდ განკუთვნილი სურსათი/ცხოველის საკვები (მათ შორის გენეტიკურად მოდიფიცირებული ან გენეტიკურად მოდიფიცირებული ინგრედიენტის შემცველი), ცხოველი, მცენარე, მცენარეული და ცხოველური პროდუქტი, ვეტერინარული პრეპარატი, პესტიციდი და აგროქიმიკატი ეტიკეტირებული უნდა იყოს საქართველოს კანონმდებლობით დადგენილი წესით.

2. ეტიკეტის შესაბამისობა კანონმდებლობით განსაზღვრულ მოთხოვნებთან დგინდება სახელმწიფო კონტროლის დროს.

3. დაუშვებელია სურსათის/ცხოველის საკვების ეტიკეტზე ან თანდართულ დოკუმენტებში ტერმინების - „ბიოლოგიური“, „ეკოლოგიური“, „ეკო“, „ბიო“, „ორგანული“ ნებისმიერი კომბინაციის მითითება, თუ იგი არ შეესაბამება საქართველოს კანონმდებლობით დადგენილ ბიოწარმოების წესებს და ეს შესაბამისობა არ დასტურდება შესაბამისი სერტიფიკატით.

20. თავი IV-ის სათაური ჩამოყალიბდეს შემდეგი რედაქციით:

„თავი IV. სახელმწიფო ორგანოთა უფლებამოსილებები და ვალდებულებები“

21. მე-19 მუხლის სათაური ჩამოყალიბდეს შემდეგი რედაქციით:

„მუხლი 19. სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში სახელმწიფო ორგანოთა უფლებამოსილებები და ვალდებულებები

22. მე-19 მუხლის პირველი ნაწილი ჩამოყალიბდეს შემდეგი რედაქციით

1. სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში სახელმწიფო პოლიტიკას ახორციელებს საქართველოს მთავრობა და საქართველოს სოფლის მეურნეობის სამინისტრო თავიანთი კომპეტენციის ფარგლებში.

23. მე-20 – 22-ე მუხლები ჩამოყალიბდეს შემდეგი რედაქციით:

მუხლი 20. საქართველოს სოფლის მეურნეობის სამინისტროს უფლებამოსილებები და ვალდებულებები სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში

სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში საქართველოს სოფლის მეურნეობის სამინისტროს

უფლებამოსილებები და ვალდებულებები:

- ა) თავისი კომპეტენციის ფარგლებში, სახელმწიფო პოლიტიკის განსაზღვრაში მონაწილეობის მიღება;
- ბ) კანონშემოქმედებით საქმიანობაში მონაწილეობის მიღება;
- გ) კანონმდებლობით გათვალისწინებულ შემთხვევაში ნორმატიული აქტების გამოცემა;
- დ) ღონისძიებებისა და შესაბამისი ქმედებების განხორციელება ამ კოდექსის 52-ე მუხლით განსაზღვრული კრიზისული მდგომარეობის მართვის უზრუნველსაყოფად;
- ე) საერთაშორისო, საგანმანათლებლობო, სამეცნიერო და მომხმარებელთა ინტერესების დამცველ ორგანიზაციებთან თანამშრომლობა;
- ვ) საქართველოს კანონმდებლობით გათვალისწინებული სხვა უფლებამოსილებების განხორციელება.

მუხლი 21. საქართველოს შრომის, ჯანმრთელობისა და სოციალური დაცვის სამინისტროს უფლებამოსილებები და ვალდებულებები სურსათის უვნებლობისა და ვეტერინარიის სფეროებში

სურსათის უვნებლობისა და ვეტერინარიის სფეროებში საქართველოს შრომის, ჯანმრთელობისა და სოციალური დაცვის სამინისტროს უფლებამოსილებები და ვალდებულებები:

- ა) სურსათის უვნებლობის ნორმებისა და პარამეტრების განსაზღვრაში მონაწილეობა;
- ბ) მომხმარებელთა სპეციალური ჯგუფებისათვის, მათ შორის, ბავშვთა და ჩვილ ბავშვთა კვებასთან, სურსათის უვნებლობასთან დაკავშირებული მოთხოვნების განსაზღვრაში მონაწილეობა;
- დ) სურსათით გამოწვეული დაავადებების მონიტორინგის განხორციელება და შესაბამის მონაცემთა ბაზის წარმოება;
- ე) ზოონოზური და სურსათით გამოწვეული დაავადების გამოვლენის შემთხვევაში, სააგენტოს ინფორმირება კანონმდებლობით დადგენილი წესით;
- ვ) ამ კოდექსის 52-ე მუხლით განსაზღვრული, კრიზისული მდგომარეობის მართვაში მონაწილეობა, თავისი კომპეტენციის ფარგლებში და ინფორმაციის გაცვლის

უზრუნველყოფა, ჯანმრთელობის საერთაშორისო წესებით დადგენილი მოთხოვნების შესაბამისად;

ზ) საქართველოს კანონმდებლობით გათვალისწინებული სხვა უფლებამოსილებების განხორციელება.

მუხლი 22. სააგენტოს უფლებამოსილებები და ვალდებულებები სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში

1. სააგენტოს უფლებამოსილებები და ვალდებულებებია:

ა) სურსათის/ცხოველის საკვების უვნებლობის სფეროში:

ა.ა) წარმოების, გადამამუშავებისა და დისტრიბუციის ეტაპებზე სურსათის/ცხოველის საკვების, საქართველოს კანონმდებლობით დადგენილ მოთხოვნებთან შესაბამისობაზე სახელმწიფო კონტროლის განხორციელება;

ა.ბ) მიკვლევადობასთან დაკავშირებული მოთხოვნების შემოწმება მათი საქართველოს კანონმდებლობით დადგენილ მოთხოვნებთან შესაბამისობის დადგენის მიზნით;

ა.გ) საფრთხის ანალიზისა და კრიტიკული საკონტროლო წერტილების პრინციპებზე დაფუძნებული სისტემის შემოწმება მისი საქართველოს კანონმდებლობით დადგენილ მოთხოვნებთან შესაბამისობის დადგენის მიზნით ;

ა.დ) ვადაგასული ან/და გამოსაყენებლად უვარგისად მიჩნეული სურსათის/ცხოველის საკვების განადგურებაზე ზედამხედველობა;

ა.ე) მოსახლეობის დროული ინფორმირება ბაზარზე განთავსებულ სურსათთან/ცხოველის საკვებთან დაკავშირებით, თუ დადასტურებულია, რომ ეს სურსათი/ცხოველის საკვები ადამიანის ან ცხოველის ჯანმრთელობისათვის მავნეა.

ბ) ვეტერინარიის სფეროში:

ბ.ა) ცხოველთა ჯანმრთელობისა და ეპიზოოტიური კეთილსაიმედოობის უზრუნველსაყოფად კონტროლის განხორციელება;

ბ.ბ) გადამდები დაავადებების დიაგნოსტიკა, მათი საწინააღმდეგო, პრევენციული და სალიკვიდაციო ღონისძიებების პროგრამების შემუშავება, ორგანიზება, განხორციელება;

ბ.გ) ცხოველთა კეთილდღეობაზე კონტროლის განხორციელება;

ბ.დ) ვეტერინარული პრეპარატების რეგისტრაცია, კონტროლი, ფალსიფიცირებული, არარეგისტრირებული, ვადაგასული და გამოსაყენებლად უვარგისად მიჩნეული ვეტერინარული პრეპარატების განადგურებაზე ზედამხედველობა;

ბ.ე) ბიოლოგიური ნარჩენების (გარდა საშიში და სამედიცინო ბიოლოგიური ნარჩენებისა), შეგროვებაზე, უტილიზაციასა და განადგურებაზე ზედამხედველობა კანონმდებლობით დადგენილი წესით;

ბ.ვ) ცხოველთა გადაყვანა-გადარეკვის (მათ შორის, სეზონურ სამოვრებზე) მიმდინარეობაზე ზედამხედველობა;

ბ.ზ) ცხოველთა იდენტიფიკაცია-რეგისტრაცია;

ბ.თ) ზოონოზური დაავადების გამოვლენის შემთხვევაში საქართველოს შრომის, ჯანმრთელობისა და სოციალური დაცვის სამინისტროს ინფორმირება საქართველოს კანონმდებლობით დადგენილი წესით;

ბ.ი) ვეტერინარული კარანტინის ორგანიზება;

ბ.კ) ვეტერინარიის სფეროში დასაქმებული ბიზნესოპერატორების საქმიანობის კოორდინაცია;

ბ.ლ) საშიში ინფექციური დაავადებების, ეპიდემიების, ეპიზოოტიების გავრცელების გამო არაკეთილსაიმედო ქვეყნების ნუსხის შემუშავება;

ბ.მ) მოსახლეობის დროული ინფორმირება ბაზარზე განთავსებულ ვეტერინარულ პრეპარატებთან დაკავშირებით, თუ დადასტურებულია მათი მავნე ზემოქმედება ცხოველთა ჯანმრთელობაზე და კეთილდღეობაზე;

ბ.ნ) ვეტერინარული სამსახურისა და ცხოველთა ჭერის საქმიანობისათვის საჭირო საქართველოში სპეციალურ კონტროლს დაქვემდებარებულ ნივთიერებათა გამოყენებაზე კონტროლი.

გ) მცენარეთა დაცვის სფეროში:

გ.ა) პესტიციდებისა და აგროქიმიკატების რეგისტრაცია, გამოყენებისა და მიმოქცევის კონტროლი, საქართველოს კანონმდებლობით დადგენილი წესით ;

გ.ბ) მცენარეთა დაცვის უზრუნველსაყოფად კონტროლის განხორციელება;

გ.გ) მავნე ორგანიზმების გავრცელების საწინააღმდეგო, პრევენციული და სალიკვიდაციო ღონისძიებების პროგრამების შემუშავება და განხორციელება;

გ.დ) მცენარეთა კარანტინის ორგანიზება;

გ.ე) განსაკუთრებით საშიში და საკარანტინო მავნე ორგანიზმების გავრცელებასა და განვითარებაზე დაკვირვება, მათი გამოვლენა და დიაგნოსტიკა;

გ.ვ) საკარანტინო მავნე ორგანიზმების ნუსხის შემუშავება;

გ.ზ) განსაკუთრებით საშიში და საკარანტინო მავნეობების, დაავადებებისა და სარეველების მასობრივი გავრცელებისა და განვითარების პროგნოზირება;

გ.თ) მავნე ორგანიზმების წინააღმდეგ პრევენციული და ლოკალიზაციის/სალიკვიდაციო ღონისძიებების შემუშავება და განხორციელება;

გ.ი) რეგულირებადი ობიექტების დამუშავებაზე ზედამხედველობა საერთაშორისო გადაზიდვების შემთხვევაში;

გ.კ) მოსახლეობის დროული ინფორმირება ბაზარზე განთავსებულ აგროქიმიკატებისა და პესტიციდებთან დაკავშირებით, თუ დადასტურებულია მათი მავნე ზემოქმედება ადამიანთა/ცხოველთა ჯანმრთელობასა და გარემოზე;

გ.ლ) მავნე ორგანიზმებისაგან თავისუფალი ტერიტორიის სტატუსის ან მავნე ორგანიზმების დაბალი გავრცელების სტატუსის მინიჭება;

გ.მ)საქართველოს სახელმწიფო საზღვრის დატოვებამდე, ტვირთის ფიტოსანიტარიული სერტიფიკაციის შემდეგ, მისი ხელახალი ინვაზიისა და შემადგენლობის ჩანაცვლების თავიდან აცილება სათანადო პროცედურების განხორციელებით;

დ) ბიზნესოპერატორთა რეგისტრაცია, აღიარება (დამტკიცება);

ე) სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში რისკის ანალიზის კოორდინაცია და უზრუნველყოფა;

ვ) სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში არსებული სამართლებრივი მოთხოვნების შესახებ ბიზნესოპერატორებისა და მომხმარებელთა ინფორმირება;

ზ) უფლებამოსილი პირების პროფესიული კვალიფიკაციის ამაღლება;

თ) სახელმწიფო უწყებებთან, საერთაშორისო, საგანმანათლებლო, სამეცნიერო და მომხმარებელთა ინტერესების დამცველ ორგანიზაციებთან თანამშრომლობა.

ი) ნებართვების, სერტიფიკატების და ლიცენზიების გაცემა კანონმდებლობით დადგენილი წესით.

Commented [VK9]: უმჯობესია, რომ ეს ფუნქცია გადაეცეს სხვა სახ. ორგანოს.

კ) ქვეყანაში შექმნილი კრიზისული მდგომარეობის დროს კრიზისული მართვის გეგმის შემუშავება და საქართველოს სოფლის მეურნეობის სამინისტროსათვის წარდგენა.

ლ) საქართველოს კანონმდებლობით გათვალისწინებული სხვა უფლებამოსილებების განხორციელება.

24. კოდექს დაემატოს 22¹ მუხლი და ჩამოყალიბდეს შემდეგი რედაქციით:

„მუხლი 22¹. ადგილობრივი თვითმმართველობის ორგანოებთან ურთიერთობა

სააგენტოსა და ადგილობრივი თვითმმართველობის ორგანოებთან ურთიერთობის პრინციპია ფიტოსანიტარიულ და ვეტერინარიის სფეროში ღონისძიებების განხორციელებისას ურთიერთ დახმარება და თანამშრომლობა, საერთო პრობლემების ერთობლივად გადაჭრის მიზნით, რომელიც მოიცავს:

ა) მცენარეთა კარანტინის და ვეტერინარული კარანტინის დროს საკარანტინო მავნე ორგანიზმების და დაავადებების ლოკალიზაცია-ლიკვიდაციის მიზნით კარანტინის ან სხვა შეზღუდვების დაწესებას, მოხსნას და მის გატარებაში ხელშეწყობას;

ბ) ადმინისტრაციულ ტერიტორიაზე მაწანწალა და უპატრონო ცხოველების დაჭერას, აუცილებლობის შემთხვევაში მათ ევთანაზიას, უპატრონო ცხოველების ლეშების შეგროვებას, განადგურებას, ცხოველთა თავშესაფრების, ცხოველთა სამარხებისა და ბიოთერმული ორმოების მოწყობას;

გ) ადმინისტრაციულ ტერიტორიაზე ცხოველთა დაავადებების საწინააღმდეგო პროფილაქტიკური და იძულებითი ღონისძიებების განხორციელებაში ხელშეწყობას;

დ) არასაკარანტინო მავნე ორგანიზმების წინააღმდეგ ბრძოლის ღონისძიებების განხორციელებაში ხელშეწყობას.

25. 25-ე და 26-ე მუხლები ჩამოყალიბდეს შემდეგი რედაქციით:

„მუხლი 25. სახელმწიფო კონტროლის სახეები

სახელმწიფო კონტროლის სახეებია:

ა) სურსათის/ცხოველის საკვების უვნებლობის კონტროლი – ქმედება, რომელიც ხორციელდება სურსათის/ცხოველის საკვების უვნებლობისა და ეტიკეტრების საქართველოს კანონმდებლობით განსაზღვრულ მოთხოვნებთან შესაბამისობის დასადგენად;

ბ) ვეტერინარული კონტროლი – ქმედება, რომელიც ხორციელდება

ვეტერინარიის სფეროში საქართველოს კანონმდებლობით განსაზღვრულ მოთხოვნებთან შესაბამისობის დასადაგენად;

გ) ფიტოსანიტარიული კონტროლი - ქმედება, რომელიც ხორციელდება მცენარეთა დაცვის სფეროში საქართველოს კანონმდებლობით განსაზღვრულ ფიტოსანიტარიულ მოთხოვნებთან შესაბამისობის დასადაგენად.

მუხლი 26. სახელმწიფო კონტროლის განხორციელების მექანიზმები

1. სურსათის/ცხოველის საკვების უვნებლობის კონტროლის, ვეტერინარული კონტროლისა და ფიტოსანიტარიული კონტროლის განხორციელების მექანიზმებია:

- ა) ინსპექტირება;
- ბ) ზედამხედველობა;
- გ) მონიტორინგი;
- დ) დოკუმენტური შემოწმება;
- ე) ნიმუშის აღება.

2. სააგენტომ შესაძლებელია სახელმწიფო კონტროლთან დაკავშირებული ცალკეული ამოცანების შესრულების დელეგირება მოახდინოს ერთ ან მეტ მაკონტროლებელ ორგანოზე (შემდგომში - მაკონტროლებელი ორგანო), რომელიც მოქმედებს სააგენტოს ზედამხედველობით, იმ შემთხვევაში თუ:

- ა) არსებობს ზუსტი აღწერილობა იმ ამოცანებისა, რომელიც შესაძლებელია განხორციელოს მაკონტროლებელმა ორგანომ;
- ბ) აქვს შესაბამისი გამოცდილება და ინფრასტრუქტურა ამ ამოცანების შესასრულებლად;
- გ) ჰყავს საკმარისი რაოდენობის კვალიფიციური კადრი;
- დ) არის მიუკერძოებელი და თავისუფალია ინტერესთა კონფლიქტისგან მისთვის დელეგირებული ამოცანების შესრულებასთან დაკავშირებით.

3. მაკონტროლებელი ორგანო აკრედიტებული უნდა იყოს:

ა) სსიპ - აკრედიტაციის ერთიანი ეროვნული ორგანოს აკრედიტაციის ცენტრის მიერ ან;

ბ) ევროკავშირისა და ეკონომიკური თანამშრომლობისა და განვითარების ორგანიზაციის (OECD) წევრი ქვეყნების შესაბამის დაწესებულებებში.“

26. კოდექსს დაემატოს 26¹ - 26³ მუხლები და ჩამოყალიბდეს შემდეგი რედაქციით:

„მუხლი 26¹. სურსათის/ცხოველის საკვების უვნებლობის სახელმწიფო კონტროლის მექანიზმები

1. ინსპექტირება არის სახელმწიფო კონტროლის მექანიზმი, რომლის დროსაც ხორციელდება სურსათის/ცხოველის საკვების წარმოების, გადამუშავებისა და დისტრიბუციის ეტაპების ცალკეული ასპექტის ან ასპექტების გამოკვლევა, მათი კანონმდებლობით დადგენილ მოთხოვნებთან და წესებთან შესაბამისობის დადგენის მიზნით, რომელიც ხორციელდება ბიზნესოპერატორის წინასწარი გაფრთხილების გარეშე და მოიცავს:

ა) ბიზნესოპერატორის საქმიანობის შემოწმებას წარმოების, გადამუშავების დისტრიბუციის ეტაპებზე;

ბ) დოკუმენტურ შემოწმებას;

გ) დადგენილი წესით ნიმუშის აღებას და აკრედიტებულ ლაბორატორიაში გამოკვლევების ჩატარებას.

2. მონიტორინგი არის სახელმწიფო კონტროლის მექანიზმი, რომლის დროსაც ხორციელდება წინასწარ დაგეგმილი დაკვირვებები და გაზომვები, სურსათის/ცხოველის საკვების კანონმდებლობით დადგენილ მოთხოვნებთან შესაბამისობის შეფასების მიზნით და ხორციელდება სახელმწიფო კონტროლის წლიური პროგრამის ფარგლებში. მისი შემუშავებისას გათვალისწინებული უნდა იქნეს შემდეგი ფაქტორები:

ა) წინა წლებში მოსახლეობასა და ცხოველებში კვებითი მოშხამების, სურსათით/ცხოველის საკვებით განპირობებული ნაწლავთა ინფექციების, ეპიდემიების, სხვა საკვებისმიერი მასობრივი დაავადებების გაჩენის შემთხვევები;

ბ) სურსათის/ცხოველის საკვების მიკრობიოლოგიური, ქიმიური ან ფიზიკური დაბინძურების შემთხვევები;

გ) გარემოს დაბინძურების შემთხვევები;

დ) მომხმარებელთა მოტყუებისა და შეცდომაში შეყვანის შემთხვევები;

ე) სააგენტოს მიერ საანგარიშო წელს და წინა წლებში განხორციელებული საქმიანობების შედარებითი ანალიზი.

3. მონიტორინგის ფარგლებში არსებული მდგომარეობა შეისწავლება ნიმუშის აღებისა და აკრედიტებულ ლაბორატორიაში გამოკვლევების ჩატარების გზით, რისკის შეფასების განხორციელებისათვის, რომლის დროსაც:

ა) მოწმდება სურსათის/ცხოველის საკვების უვნებლობის მაჩვენებლების, ეტიკეტისა და წარდგენის შესაბამისობა საქართველოს კანონმდებლობით განსაზღვრულ მოთხოვნებთან. მათ შორის, ეტიკეტის შესაბამისობა სურსათის/ცხოველის საკვების რეალურ შემადგენლობასთან;

ბ) ხორციელდება დოკუმენტური შემოწმება.

4. ზედამხედველობა არის სახელმწიფო კონტროლის მექანიზმი, რომლის დროსაც ხორციელდება სურსათის/ცხოველის საკვების ბიზნესოპერატორის საქმიანობაზე დაკვირვება. დაკვირვება ხორციელდება:

ა) სურსათის განადგურებაზე;

ბ) ბიზნესოპერატორის მიერ სურსათის ბაზარზე განთავსების აღკვეთასა ~~და~~ ბაზრიდან და მომხმარებლისგან გამოთხოვაზე;

გ) ბიზნესოპერატორის მიერ სააგენტოს მითითებების შესრულებაზე.

5. დოკუმენტური შემოწმება არის სახელმწიფო კონტროლის მექანიზმი, რომლის დროსაც დამოუკიდებლად ან სახელმწიფო კონტროლის სხვა მექანიზმებთან ერთად ტარდება სურსათის/ ცხოველის საკვების ბიზნესოპერატორის საქმიანობასთან დაკავშირებული დოკუმენტების შემოწმება.

6. ნიმუშის აღება არის სახელმწიფო კონტროლის მექანიზმი, რომელიც ხორციელდება ორგანოლეპტიკური, მიკრობიოლოგიური, პარაზიტოლოგიური, ტოქსიკოლოგიური, ფიზიკურ-ქიმიური, რადიოლოგიური, დაავადებების, ან/და სხვა მაჩვენებლების გამოკვლევის მიზნით, რათა განისაზღვროს ადამიანის/ცხოველის ჯანმრთელობისა და სიცოცხლისათვის შექმნილი საფრთხე. ასევე, რათა შემოწმდეს

Commented [VK10]: ეს მკაფიოდ არ ჩანს კანონიდან. აჯობებს, რომ ნათლად გაიწეროს, რომ სამომავლოდ სხვადასხვაგვარი ინტერპრეტაციის საშუალება არ იყოს.

Commented [VK11]: ეს აუცილებელია დაემატოს, ვინაიდან მუხლი 14/1, პუნქტი 3 ითვალისწინებს სურსათის მომხმარებლისგან გამოთხოვას.

ეტიკეტის შესაბამისობა საქართველოს კანონმდებლობით განსაზღვრულ მოთხოვნებთან, მათ შორის, ეტიკეტის შესაბამისობა სურსათის/ცხოველის საკვების რეალურ შემადგენლობასთან.

7. ნიმუშის აღება შეიძლება განხორციელდეს ინსპექტირების, ზედამხედველობის, მონიტორინგის დროს ან დამოუკიდებლად.

მუხლი 26². ვეტერინარული სახელმწიფო კონტროლის მექანიზმები

1. ინსპექტირება არის სახელმწიფო კონტროლის მექანიზმი, რომლის დროსაც ხორციელდება ცხოველის, ცხოველური პროდუქტების, ვეტერინარული პრეპარატების წარმოების, გადამუშავებისა და დისტრიბუციის ეტაპების, ცხოველთა ჯანმრთელობისა და კეთილდღეობის ცალკეული ასპექტის ან ასპექტების გამოკვლევა კანონმდებლობით დადგენილ მოთხოვნებთან და წესებთან შესაბამისობის შემოწმების მიზნით და მოიცავს:

ა) ბიზნესოპერატორის საქმიანობის შემოწმებას წარმოების, გადამუშავების და დისტრიბუციის ეტაპებზე, ასევე ცხოველთა ჯანმრთელობისა და კეთილდღეობის შემოწმებას;

ბ) დოკუმენტურ შემოწმებას;

გ) სინჯის, ნიმუშის, პათოლოგიური მასალის აღებას და ლაბორატორიულ გამოკვლევას ცხოველთა ჯანმრთელობის მდგომარეობის შეფასებისათვის.

2. მონიტორინგი არის სახელმწიფო კონტროლის მექანიზმი, რომლის დროსაც ხორციელდება წინასწარ დაგეგმილი დაკვირვება და მონაცემების მოპოვება ცხოველის ჯანმრთელობის მდგომარეობის, კეთილდღეობის, ცხოველურ პროდუქტებისა და ვეტერინარულ პრეპარატების კანონმდებლობით დადგენილ მოთხოვნებთან შესაბამისობის შეფასების მიზნით და მოიცავს:

ა) სინჯის, ნიმუშის, პათოლოგიური მასალის აღებას რისკის შეფასებისათვის;

ბ) ვეტერინარული პრეპარატების ნიმუშების აღებას;

გ) ცხოველის, ცხოველური პროდუქტის, ვეტერინარული პრეპარატის ეტიკეტის შემოწმებას;

დ) ცხოველთა საცხოვრებელი გარემოს დათვალიერებას და ინფორმაციის შეგროვებას;

ე) ვეტერინარული სამსახურისა და ცხოველთა ჭერის საქმიანობისათვის საჭირო საქართველოში სპეციალურ კონტროლს დაქვემდებარებულ ნივთიერებათა გამოყენების წესის შესრულების შემოწმებას.

3. ზედამხედველობა არის სახელმწიფო კონტროლის მექანიზმი, რომლის დროსაც ხორციელდება ცხოველზე, ცხოველურ პროდუქტზე, ვეტერინარულ პრეპარატზე, ბიზნესოპერატორის საქმიანობაზე დაკვირვება, რომელიც ხორციელდება:

ა) ცხოველის დაკვლის პროცესზე (დაკვლისწინა და დაკვლისშემდგომი);

ბ) საკარანტინო ღონისძიებების ჩატარებაზე;

გ) ცხოველთა გადამდები და მასობრივი არაგადამდები დაავადებების საწინააღმდეგო ღონისძიებების განხორციელებაზე;

დ) არარეგისტრირებული, ფალსიფიცირებული, ვადაგასული, უხარისხო და მიზნობრივად გამოსაყენებლად უვარგისად მიჩნეული ვეტერინარული პრეპარატების განადგურებაზე;

ე) ბიოლოგიური ნარჩენების, (გარდა საშიში და სამედიცინო ბიოლოგიური ნარჩენებისა), შეგროვებაზე, უტილიზაციასა და განადგურებაზე;

ვ) ცხოველთა გადაყვანა-გადარეკვის (მათ შორის, სეზონურ სამოვრებზე) მიმდინარეობაზე;

ზ) ცხოველის საკვების განადგურებაზე;

თ) ბიზნესოპერატორის მიერ სააგენტოს მითითებების შესრულებაზე.

4. დოკუმენტური შემოწმება არის სახელმწიფო კონტროლის მექანიზმი, რომლის დროსაც დამოუკიდებლად ან სახელმწიფო კონტროლის სხვა მექანიზმებთან ერთად ხორციელდება ვეტერინარიის სფეროში ბიზნესოპერატორის საქმიანობასთან დაკავშირებული დოკუმენტების შემოწმება.

5. ვეტერინარული კონტროლი ხორციელდება ვეტერინარი ექიმის მიერ დადგენილი წესის შესაბამისად. ვეტერინარული ტექნიკოსი უფლებამოსილია განახორციელოს ვეტერინარული კონტროლი ვეტერინარი ექიმის მეთვალყურეობით.

6. ნიმუშის აღება არის სახელმწიფო კონტროლის მექანიზმი, რომელიც ხორციელდება ორგანოლექტიური, მიკრობიოლოგიური, პარაზიტოლოგიური, ტოქსიკოლოგიური, ფიზიკურ-ქიმიური, რადიოლოგიური, დაავადებების, ან/და სხვა მაჩვენებლების გამოკვლევის მიზნით, რათა განისაზღვროს ცხოველის ჯანმრთელობისა

და კეთილდღეობის, ადამიანის ჯანმრთელობისა და სიცოცხლისათვის შექმნილი საფრთხე.

7. ნიმუშის აღება შეიძლება განხორციელდეს ინსპექტირების, ზედამხედველობის, მონიტორინგის დროს ან დამოუკიდებლად.

მუხლი 26³. ფიტოსანიტარიული სახელმწიფო კონტროლის მექანიზმები

1. ინსპექტირება არის სახელმწიფო კონტროლის მექანიზმი, რომელიც მოიცავს მცენარის, მცენარეული პროდუქტის, სხვა რეგულირებადი ობიექტის ვიზუალურ შემოწმებას (დახედვას) მავნე ორგანიზმების გამოვლენის ან/და ფიტოსანიტარიულ მოთხოვნებთან შესაბამისობის დადგენის მიზნით და მოიცავს ექსპორტის, იმპორტის, ტრანზიტისა და რეექსპორტის დროს, ასევე საკარანტინო ზონაში:

ა) მცენარის, მცენარეული პროდუქტის, სხვა რეგულირებად ობიექტთან დაკავშირებული დოკუმენტების შემოწმებას;

ბ) ტვირთის იდენტიფიკაციის და მთლიანობის შემოწმებას;

გ) დამუშავების ეფექტურობის შემოწმებას;

დ) ფიზიკურ შემოწმებას და საჭიროების შემთხვევაში ნიმუშის აღებას.

2. ინსპექტირების დროს ხორციელდება ამ მუხლის პირველი ნაწილის „ა“, „ბ“, „გ“ და „დ“ ქვეპუნქტებით გათვალისწინებული შემოწმების სახეებიდან ერთ-ერთი ან რამდენიმე ერთად.

3. მონიტორინგი არის ფიტოსანიტარიული მდგომარეობის შემოწმების ხანგრძლივი პროცესი ან/და ხანგრძლივი კვლევა მავნე ორგანიზმის პოპულაციის მახასიათებლების შემოწმებისათვის და მოიცავს:

ა) საკარანტინო მავნე ორგანიზმების განვითარების პროგნოზირებას, მიწათმოსარგებლის დროულ გაფრთხილებას საკარანტინო მავნე ორგანიზმის გამოჩენისა და ფიტოსანიტარიული ღონისძიებების ჩატარების ვადების შესახებ;

ბ) ბაზარზე განთავსებული პესტიციდებისა და აგროქიმიკატების ნიმუშების აღებას;

გ) სასოფლო-სამეურნეო, არასასოფლო-სამეურნეო დანიშნულების მიწების, ტყეების კვლევას საკარანტინო მავნე ორგანიზმების გავრცელების არეალის განსაზღვრის, მავნეობის დადგენისა და საწინააღმდეგო ღონისძიებების განხორციელებისათვის.

4. ზედამხედველობა არის სახელმწიფო კონტროლის მექანიზმი, რომელიც მოიცავს:

ა) საკარანტინო მავნე ორგანიზმების ნუსხის კორექტირებისა და საკარანტინო მავნე ორგანიზმებისაგან თავისუფალი ზონების დაზუსტების მიზნით მოცემულ ზონაში კვლევების, მონიტორინგის შედეგებით და სხვა პროცედურების საშუალებით მავნე ორგანიზმების არსებობის, ან არ არსებობის შესახებ მონაცემების შეგროვებისა და რეგისტრაციის ოფიციალურ პროცესს, რომლის დროსაც ხორციელდება:

ა.ა) სასოფლო-სამეურნეო, არასასოფლო-სამეურნეო დანიშნულების მიწებზე, ტყეებზე დაკვირვება;

ა.ბ) საკარანტინო მავნე ორგანიზმების არსებობის ან არარსებობის შესახებ ინფორმაციის მოპოვების მიზნით, მონაცემთა შეკრება, გამოკითხვა;

ა.გ) ნიმუშის აღება;

ა.დ) მცენარის, მცენარეული პროდუქტის, სხვა რეგულირებადი ობიექტის (მათ შორის ხის ტარისა და შესაფუთი მასალის) დამუშავებასა და განადგურებაზე დაკვირვება.

ბ) პესტიციდისა და აგროქიმიკატის შენახვის, ტრანსპორტირების, რეალიზაციის, შემოტანის, დაფასოების, გამოყენებისა და მარკირების კანონმდებლობით დადგენილი მოთხოვნების შესრულების შემოწმება.

5. დოკუმენტური შემოწმება არის სახელმწიფო კონტროლის მექანიზმი, რომლის დროსაც დამოუკიდებლად ან სახელმწიფო კონტროლის სხვა მექანიზმებთან ერთად ხორციელდება მცენარეთა დაცვის სფეროში ბიზნესოპერატორის საქმიანობასთან დაკავშირებული დოკუმენტების შემოწმება.

6. ნიმუშის აღება არის სახელმწიფო კონტროლის მექანიზმი, რომელიც ხორციელდება მავნე ორგანიზმების გამოვლენის, პესტიციდებისა და აგროქიმიკატების მახასიათებლების სამომხმარებლო მოთხოვნებთან შესაბამისობის დადგენის მიზნით.

7. ნიმუშის აღება შეიძლება განხორციელდეს ინსპექტირების, ზედამხედველობის, მონიტორინგის დროს ან დამოუკიდებლად.“

27. 27-ე მუხლის პირველი პუნქტი ჩამოყალიბდეს შემდეგი რედაქციით: 1. სააგენტო სახელმწიფო კონტროლს ახორციელებს რისკის ანალიზის საფუძველზე შემუშავებული სახელმწიფო კონტროლის წლიური პროგრამის შესაბამისად, რომელიც მტკიცდება საქართველოს სოფლის

Formatted: Highlight

მეურნეობის მინისტრის ბრძანებით. სახელმწიფო კონტროლის მასშტაბები გამოვლენილი რისკების ადეკვატური უნდა იყოს.

27. VI-X თავები ამოღებულ იქნეს.

28. 48-ე მუხლის მე-3 ნაწილის „ა“ და „ბ“ ქვეპუნქტები ჩამოყალიბდეს შემდეგი რედაქციით:

„ა) ვეტერინარული პრეპარატის სახელმწიფო რეგისტრაციის აღიარებითი რეჟიმი, რომელიც გამოიყენება იმ ვეტერინარული პრეპარატის მიმართ, რომელიც საქართველოს მთავრობის მიერ განსაზღვრულმა სხვა ქვეყნის ან სახელმწიფოთაშორისმა ვეტერინარული პრეპარატის მარეგულირებელმა სახელმწიფო ორგანომ დაუშვა შესაბამის ბაზარზე;

ბ) ვეტერინარული პრეპარატის სახელმწიფო რეგისტრაციის ეროვნული რეჟიმი, რომელიც მოიცავს სააგენტოს მიერ ექსპერტიზისა და სარეგისტრაციო გამოცდის საფუძველზე სარეგისტრაციო მოწმობის გაცემას და ვეტერინარული პრეპარატის სახელმწიფო რეესტრში შეტანას.“

29. 49-ე მუხლი ამოღებულ იქნეს;

30. 50-ე მუხლის „ზ“ ქვეპუნქტი ჩამოყალიბდეს შემდეგი რედაქციით:

„ზ. თუ ეს არის შუალედური ან/და დაუფაოსებელი ვეტერინარული პრეპარატი“;

31. 52-ე მუხლი ჩამოყალიბდეს შემდეგი რედაქციით:

„მუხლი 52. კრიზისული მდგომარეობის მართვის გეგმა

1. სააგენტო საქართველოს კანონმდებლობით დადგენილი წესით შეიმუშავებს სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროში შექმნილი კრიზისული მდგომარეობის მართვის გეგმას და მას დასამტკიცებლად წარუდგენს საქართველოს სოფლის მეურნეობის სამინისტროს.

Commented [VK12]: რატომ უქმდება პესტიციდებისა და აგროქიმიკატების სახელმწიფო რეგისტრაცია, მაშინ, როცა ვეტერინარული პრეპარატის სახელმწიფო რეგისტრაცია გრძელდება? პესტიციდებისა და აგროქიმიკატების რეგისტრაცია ასევე ნახსენებია 50-ე მუხლში და თავად მე-11 თავის სახელწოდებაშიც.

2. კრიზისული მდგომარეობის მართვის გეგმით კონკრეტულად განისაზღვრება რისკის ის დონე, რომლის აღკვეთა, აღმოფხვრა ან მისაღებ დონემდე შემცირება გარკვეულ სიძნელეებთან არის დაკავშირებული.

3. კრიზისული მდგომარეობის მართვის გეგმით კონკრეტულად განისაზღვრება იმ ქმედებებისა და ღონისძიებების ჩამონათვალი, რომლებიც აუცილებელია კრიზისის სამართავად, კრიზისის მართვის ჯგუფის შექმნის, გამჭვირვალობისა და პროპორციულობის პრინციპების დაცვის და მომხმარებლებისათვის შესაბამისი ინფორმაციის მიწოდების ჩათვლით.

4. კრიზისული მდგომარეობის დროს იქმნება კრიზისის მართვის ჯგუფი, რომლის მუშაობაში, საჭიროების შემთხვევაში, სამეცნიერო კონსულტაციების გაწვევისათვის, მონაწილეობას ღებულობენ სამეცნიერო წრეების წარმომადგენლები.

5. კრიზისის მართვის ჯგუფს ევალება განახორციელოს ყველა არსებული ინფორმაციის შეგროვება, შეფასება და მოქმედების სხვადასხვა ვარიანტების იდენტიფიკაცია, რათა დროულად და ეფექტიანად მოხდეს ადამიანისა და ცხოველის სიცოცხლისა და ჯანმრთელობის, მცენარეთა სიჯანსაღისა და გარემოზე ზემოქმედების რისკების აღმოფხვრა, შემცირება და თავიდან აცილება.

6. კრიზისის მართვის ჯგუფი უფლებამოსილია დახმარებისათვის მიმართოს ნებისმიერ პირს, რომლის ცოდნა და გამოცდილება საჭირო იქნება კრიზისის ეფექტიანად რეგულირებისათვის.“

32. 53-ე მუხლის მე-3 ნაწილი ჩამოყალიბდეს შემდეგი რედაქციით:

„3. განსაზღვრულ ტერიტორიაზე, სადაც გამოვლინდება საქართველოს კანონმდებლობით დამტკიცებულ ნუსხაში შეტანილი საკარანტინო დაავადება, დაუყოვნებლივ წესდება იძულებითი კარანტინი შესაბამისი დაავადებისათვის დადგენილი საკარანტინო ვადით.“

33. 54-ე მუხლის მე-3 ნაწილის „ვ“ ქვეპუნქტი ჩამოყალიბდეს შემდეგი რედაქციით:

„ვ) იმ დაწესებულებებისა და ორგანიზაციების ტერიტორიებსა და შენობებზე, რომლებიც ამზადებენ, ამუშავებენ, ინახავენ მცენარულ პროდუქტებს და

ახორციელებენ მათ რეალიზაციას, აგრეთვე სასოფლო-სამეურნეო, არასასოფლო-სამეურნეო დანიშნულების მიწებზე, ტყეებზე, საკარმიდამო და სააგარაკო ნაკვეთებზე.“

34. 55-ე მუხლი ჩამოყალიბდეს შემდეგი რედაქციით

„მუხლი 55. ვეტერინარული კარანტინისა და მცენარეთა კარანტინის დაწესება და მოხსნა

1. საკარანტინო მავნე ორგანიზმისა და ცხოველთა გადამდები დაავადებების აღმოჩენისას განსაზღვრული ტერიტორია ცხადდება საკარანტინო ზონად.

2. საქართველოს ტერიტორიაზე ვეტერინარული კარანტინი და მცენარეთა კარანტინი, გარდა ამ კოდექსის 53-ე მუხლის მე-4 ნაწილით განსაზღვრული პროფილაქტიკური კარანტინისა, წესდება და იხსნება სააგენტოს მოთხოვნის საფუძველზე:

ა) თვითმმართველი ერთეულის ტერიტორიაზე – ადგილობრივი თვითმმართველობის ორგანოს მიერ;

ბ) ერთზე მეტი თვითმმართველი ერთეულის ტერიტორიაზე – ამ თვითმმართველ ერთეულებში სახელმწიფო რწმუნებულის – გუბერნატორის ან საქართველოს მთავრობის მიერ.

3. საკარანტინო ღონისძიებების განხორციელების წესი რეგულირდება შესაბამისი ნორმატიული აქტით. “

35. 56-ე მუხლი ამოღებულ იქნეს.

36. კოდექსს დაემატოს XIII¹ თავი და ჩამოყალიბდეს შემდეგი რედაქციით:

„თავი XIII¹. სურსათი/ცხოველის საკვების, მცენარის, ცხოველის, მცენარეული და ცხოველური პროდუქტის, ვეტერინარული პრეპარატის, პესტიციდის, აგროქიმიკატის ექსპორტ-იმპორტი, რეექსპორტი

მუხლი 57¹. ექსპორტ-იმპორტისა და რეექსპორტის მოთხოვნები

1. ექსპორტისათვის განკუთვნილი სურსათი/ცხოველის საკვები, მცენარე, ცხოველი, მცენარეული და ცხოველური პროდუქტი, ვეტერინარული პრეპარატი, პესტიციდი, აგროქიმიკატი უნდა აკმაყოფილებდეს იმპორტიორი ქვეყნის მოთხოვნებს. **ექსპორტისათვის** სააგენტო ან სამსახური გასცემს შესაბამის ჰიგიენურ (ჯანმრთელობის), ვეტერინარულ და ფიტოსანიტარიულ სერტიფიკატებს.

2. საქართველოში იმპორტირებული სურსათი და ცხოველის საკვები, ცხოველი, მცენარე, მცენარეული და ცხოველური პროდუქტი, ასევე ვეტერინარული კონტროლისადმი და ფიტოსანიტარიული კონტროლისადმი დაქვემდებარებული პროდუქცია, უნდა შეესაბამებოდეს საქართველოს კანონმდებლობით დადგენილ მოთხოვნებს.

3. საქართველოს ტერიტორიაზე შემოსაყვანი ცხოველი, შემოსატანი მცენარე, მცენარეული და ცხოველური პროდუქტი, ვეტერინარული კონტროლისადმი და ფიტოსანიტარიული კონტროლისადმი დაქვემდებარებული პროდუქცია უნდა შეესაბამებოდეს საქართველოს კანონმდებლობით დადგენილ მოთხოვნებს.

4. საქართველოდან რეექსპორტირებული სურსათი და ცხოველის საკვები, ცხოველი, მცენარე, მცენარეული და ცხოველური პროდუქტი, ასევე ვეტერინარული კონტროლისადმი და ფიტოსანიტარიული კონტროლისადმი დაქვემდებარებული პროდუქცია, უნდა შეესაბამებოდეს ამ კოდექსით დადგენილ მოთხოვნებს, იმ შემთხვევის გარდა, როდესაც სხვა რამ მოითხოვება მიმღები ქვეყნის მიერ.“

37. 58-ე მუხლის მე-3 ნაწილი ჩამოყალიბდეს შემდეგი რედაქციით:

„3. სააგენტოსა და მაკონტროლებელი ორგანოს ხელმძღვანელები ვალდებული არიან, უზრუნველყონ უფლებამოსილი პირის ქვეყნის ზოგადი წესის ხელმისაწვდომობა და გაცნობა მათდამი დაქვემდებარებული უფლებამოსილი პირებისათვის.“

38. მე-60 მუხლის:

ა) სათაური ჩამოყალიბდეს შემდეგი რედაქციით:

„მუხლი 60. უფლებამოსილი პირის მოვალეობები და პასუხისმგებლობა“

ბ) დაემატოს მე-3 ნაწილი და ჩამოყალიბდეს შემდეგი რედაქციით:

„3. უფლებამოსილი პირი, ამ მუხლით გათვალისწინებული ვალდებულებების დარღვევისათვის, პასუხს აგებს საქართველოს კანონმდებლობის შესაბამისად.“

39. 62-ე მუხლის მე-2 ნაწილი ჩამოყალიბდეს შემდეგი რედაქციით:

„2. უფლებამოსილ პირს არ უნდა ჰქონდეს სხვა საქმიანი ურთიერთობა ოჯახური, ან ნათესაური კავშირი, ან რაიმე სხვა ტიპის ურთიერთობა, რამაც შესაძლოა ზეგავლენა მოახდინოს უფლებამოსილი პირის ობიექტურობაზე, იმ ბიზნესოპერატორთან, რომლის კონტროლსაც ის ახორციელებს. მაკონტროლებელი ორგანოს ხელმძღვანელს და ბიზნესოპერატორის ხელმძღვანელს ან წამომადგენლობაზე უფლებამოსილ პირს არ შეიძლება ჰქონდეთ საერთო ეკონომიკური ინტერესი.“

62-ე მუხლს დაემატოს მე-4 ნაწილი:

„4. ინტერესთა კონფლიქტის თავიდან არიდებასთან დაკავშირებული პროცედურები დარეგულირდება კანონქვემდებარე ნორმატიული აქტით.“

40. 63-ე მუხლის მე-5 ნაწილი ჩამოყალიბდეს შემდეგი რედაქციით:

„5. ინსპექტორებისას შეუსაბამობის აღმოჩენის შემთხვევაში ბიზნესოპერატორი ჯარიმდება ამ კოდექსის მხოლოდ 68-ე მუხლის საფუძველზე.“

41. 64-ე მუხლი ჩამოყალიბდეს შემდეგი რედაქციით:

„**მუხლი 64. პირის საქმიანობა ბიზნესოპერატორად რეგისტრაციის ან/და აღიარების (დამტკიცების) გარეშე**

ამ კოდექსის მე-13 მუხლის შესაბამისად, პირის საქმიანობა ბიზნესოპერატორად რეგისტრაციის ან/და აღიარების (დამტკიცების) გარეშე–

გამოიწვევს პირის დაჯარიმებას 500 ლარის ოდენობით და შესაბამისი საქმიანობის შეჩერებას.“

42. 65-ე მუხლი ჩამოყალიბდეს შემდეგი რედაქციით:

„**მუხლი 65. ბიზნესოპერატორის მიერ ვალდებულების შეუსრულებლობა სურსათის/ცხოველის საკვების ბაზარზე განთავსების აღსაკვეთად ან ბაზრიდან გამოთხოვასთან დაკავშირებით**

Commented [VK13]: ამ ცვლილებით და 68-ე მუხლის ცვლილებით გაუგებარია რა ხდება კრიტიკული შეუსაბამობის აღმოჩენის შემთხვევაში. 68-ე მუხლი ეხება სანქციებს რეკომენდაციების შეუსრულებლობის შემთხვევაში. ამიტომ, გთავაზობთ 68-ე მუხლის სხვაგვარ რედაქციას. იხ. ქვემოთ.

1. ამ კოდექსის მე-14¹ მუხლის მე-2 და მე-3 ნაწილებით გათვალისწინებულ შემთხვევაში, ბიზნესოპერატორის მიერ სურსათის/ცხოველის საკვების ბაზარზე განთავსება ან ვალდებულების შეუსრულებლობა ბაზარზე უკვე განთავსებული ან მომხმარებლისთვის მიწოდებული მავნე სურსათის/ცხოველის საკვების გამოთხოვასთან დაკავშირებით – გამოიწვევს ბიზნესოპერატორის დაჯარიმებას გამოვლენილი სურსათის საბაზრო ღირებულების გაორმაგებული ოდენობით, ხოლო მომდევნო 1 წ. განმავლობაში ამ დარღვევის განმეორების შემთხვევაში -- გასამმაგებული ოდენობით.1000 ლარის ოდენობით.

2. ამ კოდექსის მე-14¹ მუხლის მე-4 ნაწილით გათვალისწინებულ შემთხვევაში ბიზნესოპერატორის მიერ ბაზარზე განთავსებული ან მომხმარებლისთვის მიწოდებული სურსათის/ცხოველის საკვების გამოთხოვასთან და ამ მიზნით მიღებულ ზომებთან დაკავშირებით სააგენტოსთვის სავალდებულო შეტყობინებისთვის თავის არიდება –

გამოიწვევს ბიზნესოპერატორის დაჯარიმებას გამოვლენილი სურსათის საბაზრო ღირებულების გაორმაგებული ოდენობით, ხოლო მომდევნო 1 წ. განმავლობაში ამ დარღვევის განმეორების შემთხვევაში -- გასამმაგებული ოდენობით.200 ლარის ოდენობით.“

3. მონიტორინგის ფარგლებში გამოვლენილი საფრთხის შემცველი პროდუქტის ბაზრიდან, ან მომხმარებლისგან დაუყოვნებლივ გამოთხოვასთან დაკავშირებით სააგენტოს მოთხოვნის შეუსრულებლობა –

გამოიწვევს პირის დაჯარიმებას გამოვლენილი სურსათის საბაზრო ღირებულების გაორმაგებული ოდენობით, ხოლო მომდევნო 1 წ. განმავლობაში ამ დარღვევის განმეორების შემთხვევაში -- გასამმაგებული ოდენობით.

~~1000 ლარის ოდენობით.~~

43. 66-ე მუხლი ჩამოყალიბდეს შემდეგი რედაქციით:

„მუხლი 66. მითითებების, ვალდებულებებისა და გადაწყვეტილებების შეუსრულებლობა ცხოველის ჯანმრთელობისა და მცენარის მავნე ორგანიზმებისაგან დაცვასთან დაკავშირებით

1. ამ კოდექსის მე-14² მუხლის პირველი ნაწილის „ბ“ ქვეპუნქტით გათვალისწინებულ შემთხვევაში, ცხოველის დაკვლა მისი რეალიზაციის მიზნით, ვეტერინარული ზედამხედველობის გარეშე –

გამოიწვევს ბიზნესოპერატორის დაჯარიმებას 1000 ლარის ოდენობით.

2. ამ კოდექსის მე-14² მუხლის პირველი ნაწილის „გ“ ქვეპუნქტით და მე-14³ მუხლის პირველი ნაწილის „გ“ ქვეპუნქტით გათვალისწინებულ შემთხვევებში სააგენტოს მითითებების შეუსრულებლობა ეპიზოტის საწინააღმდეგო, პრევენციული და სალიკვიდაციო ღონისძიებების განსახორციელებლად, ასევე მავნე ორგანიზმების მასობრივი გავრცელების თავიდან ასაცილებლად –

გამოიწვევს ოჯახური წარმოების სუბიექტის დაჯარიმებას 100 ლარის ოდენობით, ხოლო წლიური 500 000 ლარამდე ბრუნვის მქონე ბიზნეს-ოპერატორთა დაჯარიმებას 500 ლარის ოდენობით, ხოლო 500 000 ლარზე მეტი წლიური ბრუნვის მქონე ბიზნეს-ოპერატორის დაჯარიმებას 1000 ლარის ოდენობით. ერთი წლის განმავლობაში ამ დარღვევის განმეორება გამოიწვევს წლიური 500 000 ლარამდე ბრუნვის მქონე ბიზნეს-ოპერატორის დაჯარიმებას 1000 ლარის ოდენობით, ხოლო 500 000 ლარზე მეტი წლიური ბრუნვის მქონე ბიზნეს-ოპერატორთა დაჯარიმებას 5000 ლარის ოდენობით.

ბიზნესოპერატორისას – 500 ლარის ოდენობით.

3. ხორცის რეალიზაცია ვეტერინარული ზედამხედველობის განხორციელების დამადასტურებელი დოკუმენტის გარეშე –

გამოიწვევს წლიური 500 000 ლარამდე ბრუნვის მქონე ბიზნეს-ოპერატორთა დაჯარიმებას 1000 ლარის ოდენობით, ხოლო 500 000 ლარზე მეტი წლიური ბრუნვის მქონე ბიზნეს-ოპერატორის დაჯარიმებას 2000 ლარის ოდენობით და ხორცის ბაზარზე განთავსების აღკვეთას ან/და ბაზარზე უკვე განთავსებული ხორცის გამოთხოვას. ერთი წლის განმავლობაში ამ დარღვევის განმეორება გამოიწვევს წლიური 500 000 ლარამდე ბრუნვის მქონე ბიზნეს-ოპერატორის დაჯარიმებას 2000 ლარის ოდენობით, ხოლო 500 000 ლარზე მეტი წლიური ბრუნვის მქონე ბიზნეს-ოპერატორთა დაჯარიმებას 4000 ლარის ოდენობით და ხორცის ბაზარზე განთავსების აღკვეთას ან/და ბაზარზე უკვე განთავსებული ხორცის გამოთხოვას.

ბიზნესოპერატორის დაჯარიმებას – 1000 ლარის ოდენობით და ხორცის ბაზარზე

განთავსების აღკვეთას ან/და ბაზარზე უკვე განთავსებული ხორცის გამოთხოვას.

4. ვეტერინარული კარანტინისა და მცენარეთა კარანტინის ფარგლებში, უფლებამოსილი ორგანოების გადაწყვეტილებებისა და მითითებების შეუსრულებლობა

გამოიწვევს ოჯახური წარმოების სუბიექტის დაჯარიმებას 100 ლარის ოდენობით, ხოლო წლიური 500 000 ლარამდე ბრუნვის მქონე ბიზნეს-ოპერატორთა დაჯარიმებას 500 ლარის ოდენობით, ხოლო 500 000 ლარზე მეტი წლიური ბრუნვის მქონე ბიზნეს-ოპერატორის დაჯარიმებას 1000 ლარის ოდენობით. ერთი წლის განმავლობაში ამ დარღვევის განმეორება გამოიწვევს წლიური 500 000 ლარამდე ბრუნვის მქონე ბიზნეს-ოპერატორის დაჯარიმებას 1000 ლარის ოდენობით, ხოლო 500 000 ლარზე მეტი წლიური ბრუნვის მქონე ბიზნეს-ოპერატორთა დაჯარიმებას 5000 ლარის ოდენობით.

ბიზნესოპერატორისას – 500 ლარის ოდენობით.

5. ცხოველთა კეთილდღეობასთან დაკავშირებული მოთხოვნების დარღვევა – გამოიწვევს პირის დაჯარიმებას 150 ლარის ოდენობით.“

67-ე მუხლი ჩამოყალიბდეს შემდეგი რედაქციით:

მუხლი 67. სურსათის/ცხოველის საკვების, პირველადი წარმოების მიკვლევადობასთან დაკავშირებული მოთხოვნების შეუსრულებლობა

ამ კოდექსის მე-17 მუხლით გათვალისწინებული სურსათის/ცხოველის საკვების, პირველადი წარმოების მიკვლევადობასთან დაკავშირებული მოთხოვნების შეუსრულებლობა გამოიწვევს წლიური 500 000 ლარამდე ბრუნვის მქონე ბიზნეს-ოპერატორთა დაჯარიმებას [200] ლარის ოდენობით, ხოლო 500 000 ლარზე მეტი წლიური ბრუნვის მქონე ბიზნეს-ოპერატორის დაჯარიმებას [1000] ლარის ოდენობით. ერთი წლის განმავლობაში ამ დარღვევის განმეორება გამოიწვევს წლიური 500 000 ლარამდე ბრუნვის მქონე ბიზნეს-ოპერატორის დაჯარიმებას [1000] ლარის ოდენობით, ხოლო 500 000 ლარზე მეტი წლიური ბრუნვის მქონე ბიზნეს-ოპერატორთა დაჯარიმებას [5000] ლარის ოდენობით.

/ეს მუხლი ამოქმედდეს კანონის ძალაში შესვლიდან 6 თვის შემდეგ, რათა ბიზნეს ოპერატორებს მიეცეთ დრო მიკვლევადობის სისტემის დასაწერგად./

44. კოდექსს დაემატოს 67¹ და 67² მუხლები და ჩამოყალიბდეს შემდეგი რედაქციით:

„მუხლი 67¹. ბიზნესოპერატორის მიერ ეტიკეტირების წესის დარღვევა

1. ბიზნესოპერატორის მიერ სურსათის/ ცხოველის საკვების ეტიკეტზე საქართველოს კანონმდებლობით დადგენილი წესით აუცილებელი ინფორმაციის არასრულყოფილად განთავსება -

გამოიწვევს ბიზნესოპერატორის დაჯარიმებას გამოვლენილი სურსათის საბაზრო ღირებულების ოდენობით, ხოლო მომდევნო 1 წ. განმავლობაში ამ დარღვევის განმეორების შემთხვევაში -- გაორმაგებული ოდენობით 200 ლარის ოდენობით.

2. ბიზნესოპერატორის მიერ სურსათის/ცხოველის საკვების ეტიკეტირების წესის დარღვევა, რომელმაც შეიძლება შეცდომაში შეიყვანოს მომხმარებელი –

გამოიწვევს ბიზნესოპერატორის დაჯარიმებას გამოვლენილი სურსათის საბაზრო ღირებულების გაორმაგებული ოდენობით, ხოლო მომდევნო 1 წ. განმავლობაში ამ დარღვევის განმეორების შემთხვევაში -- გასამმაგებული ოდენობით –1000 ლარის ოდენობით და სურსათის/ცხოველის საკვების ბაზარზე განთავსების ალკვეთას ან/და ბაზარზე უკვე განთავსებული სურსათის/ცხოველის საკვების გამოთხოვას.

•

3. ბიზნესოპერატორის მიერ ვეტერინარული პრეპარატის ეტიკეტირების წესის დარღვევა –

გამოიწვევს

ბიზნესოპერატორის დაჯარიმებას გამოვლენილი პრეპარატის საბაზრო ღირებულების გაორმაგებული ოდენობით, ხოლო მომდევნო 1 წ. განმავლობაში ამ დარღვევის განმეორების შემთხვევაში -- გასამმაგებული ოდენობით და სურსათის/ცხოველის საკვების ბაზარზე განთავსების აღკვეთას ან/და ბაზარზე უკვე განთავსებული სურსათის/ცხოველის საკვების გამოთხოვას.

200 ლარის ოდენობით.

მუხლი 67². ვადაგასული სურსათის/ცხოველის საკვების რეალიზაცია

ბიზნესოპერატორის მიერ ვადაგასული სურსათის/ცხოველის საკვების ბაზარზე განთავსება საბოლოო მომხმარებლისთვის მიწოდების მიზნით -

გამოიწვევს ბიზნესოპერატორის დაჯარიმებას გამოვლენილი სურსათის საბაზრო ღირებულების გაორმაგებული ოდენობით, ხოლო მომდევნო 1 წ. განმავლობაში ამ დარღვევის განმეორების შემთხვევაში -- გასამმაგებული ოდენობით და სურსათის/ცხოველის საკვების ბაზარზე განთავსების აღკვეთას ან/და ბაზარზე უკვე განთავსებული სურსათის/ცხოველის საკვების გამოთხოვას.

500 ლარის ოდენობით.“

45. 68-ე მუხლი ჩამოყალიბდეს შემდეგი რედაქციით:

„მუხლი 68. ბიზნესოპერატორის პასუხისმგებლობა შეუსაბამობის აღმოჩენის შემთხვევაში ~~მიერ~~ რეკომენდაციების ~~შეუსრულებლობა~~ შეუსაბამობის ~~აღმოჩენის შემთხვევაში~~

1. უფლებამოსილი პირის მიერ გაცემული რეკომენდაციების შეუსრულებლობა ისეთი შეუსაბამობის აღმოჩენის შემთხვევაში, რომელიც პირდაპირ საფრთხეს არ უქმნის ადამიანის ან/და ცხოველის სიცოცხლესა და ჯანმრთელობას და რომლის სათანადო დონემდე შემცირება ან აღმოფხვრა შესაძლებელია კონკრეტული საწარმოო პროცესის დროებით შეჩერების გარეშე, -

გამოიწვევს ბიზნესოპერატორის დაჯარიმებას 400 ლარის ოდენობით;

2. პირველი ნაწილით გათვალისწინებული შეუსაბამობის აღმოჩენის შემთხვევაში უფლებამოსილი პირის მიერ გაცემული რეკომენდაციების შეუსრულებლობა ახალი გონივრული ვადის გასვლის შემდეგ –

გამოიწვევს ბიზნესოპერატორის დაჯარიმებას 1 200 ლარის ოდენობით და საწარმოო პროცესის შეჩერებას.

3. ისეთი შეუსაბამობის არსებობა, რომლის დროსაც აღმოჩენილია ადამიანის ან/და ცხოველის სიცოცხლისა და ჯანმრთელობისათვის მავნე სურსათი/ცხოველის საკვები და რომლის სათანადო დონემდე შემცირება ან აღმოფხვრა შეუძლებელია კონკრეტული საწარმოო პროცესის დროებით შეჩერების გარეშე, -

გამოიწვევს ბიზნესოპერატორის დაჯარიმებას 1000 ლარის ოდენობით და საწარმოო პროცესის შეჩერებას.

46. 69- ე მუხლი ჩამოყალიბდეს შემდეგი რედაქციით:

მუხლი 69. ვეტერინარული სამსახურისა და ცხოველთა ჭერის საქმიანობისათვის საჭირო საქართველოში სპეციალურ კონტროლს დაქვემდებარებულ ნივთიერებათა გამოყენების წესის დარღვევა

1. ვეტერინარული სამსახურისა და ცხოველთა ჭერის საქმიანობისათვის საჭირო საქართველოში სპეციალურ კონტროლს დაქვემდებარებულ ნივთიერებათა გამოყენების წესის დარღვევა-

გამოიწვევს დაჯარიმებას 1000 ლარის ოდენობით.

2. იგივე ქმედება, ჩადენილი განმეორებით 1 წლის განმავლობაში, -

გამოიწვევს დაჯარიმებას 2000 ლარის ოდენობით.

47. 70-ე მუხლი ჩამოყალიბდეს შემდეგი რედაქციით:

მუხლი 70. სახელმწიფო კონტროლის განხორციელებისათვის ხელის შეშლა

„სახელმწიფო კონტროლის განმახორციელებელ უფლებამოსილ პირთან თანამშრომლობაზე უარის თქმა ან უფლებამოსილების განხორციელებისას მისთვის ხელის სხვაგვარად შეშლა, მათ შორის, დოკუმენტური შემოწმების ფარგლებში, უფლებამოსილი პირის მიერ მოთხოვნილი დოკუმენტების მიუწოდებლობა, -

გამოიწვევს ბიზნესოპერატორის დაჯარიმებას ~~400~~ 1000 ლარის ოდენობით. ხოლო გონივრული ვადის გასვლის შემდეგ დარღვევის არ აღმოფხვრის შემთხვევაში -- საწარმოო პროცესის შეჩერებას.“

Formatted: Indent: First line: 0"

71-ე მუხლი ჩამოყალიბდეს შემდეგი რედაქციით:

მუხლი 71. არარეგისტრირებული, ფალსიფიცირებული, ვადაგასული და გამოსაყენებლად უვარგისად მიჩნეული სურსათის/ცხოველის საკვების, ვეტერინარული პრეპარატების, აგროქიმიკატებისა და პესტიციდების რეალიზაცია

არარეგისტრირებული, ფალსიფიცირებული, ვეტერინარული პრეპარატების, აგროქიმიკატების, პესტიციდების და სურსათის/ცხოველის საკვების რეალიზაცია გამოიწვევს პირის დაჯარიმებას რეალიზებული და სარეალიზაციო პროდუქციის შესაბამისი პარტიის საბაზრო ღირებულების გასამმაგებელი ოდენობით, ხოლო მომდევნო 1 წ. განმავლობაში ამ დარღვევის განმეორების შემთხვევაში -- გახუთმაგებული ოდენობით, ასევე პროდუქციის ბაზარზე განთავსების ალკვეთას ან/და ბაზარზე უკვე განთავსებული პროდუქციის გამოთხოვას, ან/და უკვე რეალიზებული პროდუქციის მომხმარებლისგან გამოთხოვას.“

Formatted: Indent: First line: 0"

48. 72-ე - 74-ე მუხლები ამოღებულ იქნეს.

49. 75-ე მუხლის:

ა) პირველი და მეორე ნაწილები ჩამოყალიბდეს შემდეგი რედაქციით:

„1. საქართველოს მთავრობამ ამ კოდექსის ამოქმედებიდან 3 წლის ვადაში უზრუნველყოს სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში არსებული ნორმატიული აქტების ამ კოდექსთან შესაბამისობა.

2. სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროს მარეგულირებელი ნორმატიული აქტები მტკიცდება ტექნიკური რეგლამენტის სახით ან საქართველოს სოფლის მეურნეობის მინისტრის ბრძანებით.

Commented [VK14]: ვის მიერ?

გ) მე-3 ნაწილს „ბ“ ქვეპუნქტი ამოღებულ იქნეს.

50. 75-ე მუხლის მე-4 ნაწილი ჩამოყალიბდეს შემდეგი რედაქციით:

4. ინსპექტირების დროს ამ კოდექსის მოთხოვნებთან მიკვლევადობის და საფრთხის ანალიზისა და კრიტიკული საკონტროლო წერტილების პრინციპებზე დაფუძნებული სისტემის შეუსაბამობის აღმოჩენის შემთხვევაში უფლებამოსილი პირი გასცემს მხოლოდ რეკომენდაციებს მისი გამოსწორების მიზნით და აღნიშნული

შეუსაბამობის აღმოჩენა არ იწვევს ამ კოდექსის 68-ე მუხლის თანახმად დაჯარიმებას 2014 წლის 31 დეკემბრამდე.

51. 75-ე მუხლს დაემატოს შემდეგი შინაარსის მე-5 და მე-6 ნაწილები:

„5. იმ ბიზნესოპერატორის საქმიანობა, რომელიც ექვემდებარება აღიარება (დამტკიცებას), არ გამოიწვევს ამ კოდექსის 64-ე მუხლის თანახმად დაჯარიმებას 2015 წლის 1 იანვრამდე.

6. ამ კოდექსის მე-18 მუხლის მე-3 პუნქტის დარღვევა არ გამოიწვევს ამ კოდექსის 67¹ მუხლის თანახმად დაჯარიმებას 2015 წლის პირველ იანვრამდე.“

52. 76-ე მუხლის მე-2 ნაწილი ჩამოყალიბდეს შემდეგი რედაქციით:

„2. ძალადაკარგულად გამოცხადდეს სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში არსებული ის ნორმატიული აქტები, რომელთა ამ კოდექსთან შესაბამისობა მისი ამოქმედებიდან 3 წლის ვადაში არ იქნება უზრუნველყოფილი.“

53. 76-ე მუხლის მე-3 ნაწილი ჩამოყალიბდეს შემდეგი რედაქციით:

„3. ეს კოდექსი გარდა 67-ე მუხლისა, ამოქმედდეს გამოქვეყნებიდან მე-15 დღეს.“

54. 76-ე მუხლის მე-4 ნაწილი ამოღებულ იქნეს.

მუხლი 2.

1. ეს კანონი, გარდა პირველი მუხლის პირველი პუნქტის „ბ“ ქვეპუნქტით გათვალისწინებული მე-5 ნაწილის, მე-14 პუნქტით გათვალისწინებული მე-13 მუხლის მე-3-მე-5 ნაწილებისა და 25-ე-27-ე პუნქტებისა ამოქმედდეს გამოქვეყნებიდან მე-15 დღეს.

2. ამ კანონის პირველი მუხლის პირველი პუნქტის „ბ“ ქვეპუნქტით გათვალისწინებული მე-5 ნაწილი, მე-14 პუნქტით გათვალისწინებული მე-13 მუხლის მე-3-მე-5 ნაწილები და 25-ე-27-ე პუნქტები ამოქმედდეს 2015 წლის 1 იანვრიდან.

3. ცხოველთა კეთილდღეობასთან დაკავშირებული მოთხოვნები ამოქმედდეს 2020 წლის პირველი იანვარიდან.

Commented [VK15]: რისი მე-14? პირველ მუხლს არა აქვს მე-14.
Commented [VK16]: რომელი მუხლის პუნქტები? მე 13-ე მუხლს არა აქვს.

განმარტებითი ბარათი
„სურსათის/ცხოველის საკვების უვნებლობის, ვეტერინარიისა და
მცენარეთა დაცვის კოდექსში ცვლილების შეტანის შესახებ“
საქართველოს კანონპროექტზე

ა) ზოგადი ინფორმაცია კანონპროექტის შესახებ:

ა.ა) კანონპროექტის მიღების მიზეზი:

კანონპროექტის მიღების მიზეზია სურსათის/ცხოველის საკვების უვნებლობის, ვეტერინარიისა და მცენარეთა დაცვის კოდექსში სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროების ყველა მარეგულირებელი ნორმის შეტანის აუცილებლობა ევროკომისიის ზოგადი მიდგომის გათვალისწინებით.

ა.ბ) კანონპროექტის მიზანი:

კანონპროექტის მიღების მიზანია, ადამიანის სიცოცხლისა და ჯანმრთელობის, მომხმარებელთა ინტერესების, ასევე, ცხოველთა ჯანმრთელობისა და კეთილდღეობის, მცენარეთა სიჯანსაღის დაცვა, სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში სახელმწიფო რეგულირების ერთიანი პრინციპების განსაზღვრა, სახელმწიფო კონტროლის ეფექტიანი სისტემის ჩამოყალიბება, სურსათის/ცხოველის საკვების უვნებლობის, ვეტერინარიისა და მცენარეთა დაცვის კოდექსის ევროკავშირის კანონმდებლობასთან ჰარმონიზაცია, საქართველოში სურსათის უვნებლობის, ვეტერინარიისა და მცენარეთა დაცვის მყარი სისტემის ჩამოყალიბების ხელშეწყობა. აღნიშნულმა პროექტმა მოიცვა სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროების ყველა მარეგულირებელი ნორმა და ზოგადი პრინციპები. ეს კოდექსი გავრცელდება სურსათის/ცხოველის საკვების, მცენარის, ცხოველის, ცხოველური და

მცენარეული პროდუქტების წარმოებაზე, გადამუშავებასა და დისტრიბუციაზე, რომლებიც ხორციელდება საქართველოს ტერიტორიაზე, აგრეთვე პირველად წარმოებაზე, ცხოველთა ჯანმრთელობაზე, ვეტერინარულ პრეპარატებზე, მცენარეთა სიჯანსაღეზე, პესტიციდებსა და აგროქიმიკატებზე.

ა.გ) კანონპროექტის ძირითადი არსი:

წარმოდგენილი პროექტით ახალი რედაქციით ყალიბდება კოდექსის მიზანი და რეგულირების სფერო, კერძოდ:

ამ კანონპროექტის მიზანია, ადამიანის სიცოცხლისა და ჯანმრთელობის, მომხმარებელთა ინტერესების, ასევე ცხოველთა ჯანმრთელობისა და კეთილდღეობის, მცენარეთა სიჯანსაღის დაცვა, სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში სახელმწიფო რეგულირების ერთიანი პრინციპების განსაზღვრა და სახელმწიფო კონტროლის ეფექტიანი სისტემის ჩამოყალიბება. ხოლო, ეს პროექტი ვრცელდება სურსათის/ცხოველის საკვების, მცენარის, ცხოველის, ცხოველური და მცენარეული პროდუქტების წარმოებაზე, გადამუშავებასა და დისტრიბუციაზე, რომლებიც ხორციელდება საქართველოს ტერიტორიაზე, აგრეთვე პირველად წარმოებაზე, ცხოველთა ჯანმრთელობასა და კეთილდღეობაზე, ვეტერინარულ პრეპარატებზე, მცენარეთა სიჯანსაღეზე, პესტიციდებსა და აგროქიმიკატებზე.

კანონის პროექტი მოაწესრიგებს სურსათის/ცხოველის საკვების უვნებლობის ძირითად პრინციპებსა და მოთხოვნებს, სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროების სახელმწიფო კონტროლის სახეებს, სურსათის/ცხოველის საკვების, მცენარის, ცხოველის, ცხოველური და მცენარეული პროდუქტების, ვეტერინარული პრეპარატების, პესტიციდებისა და აგროქიმიკატების, მიკვლევადობასთან დაკავშირებულ ზოგად მოთხოვნებს წარმოების, გადამუშავებისა და დისტრიბუციის ეტაპებზე, სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში უფლებამოსილი ორგანოების კომპეტენციებს, ბიზნესოპერატორის ვალდებულებებს, ცხოველთა ჯანმრთელობისა და კეთილდღეობის და მცენარეთა დაცვის და მცენარეთა სიჯანსაღის ძირითად მოთხოვნებსა და პირობებს, საქართველოს ტერიტორიაზე ვეტერინარულ კარანტინს და მცენარეთა კარანტინს, სურსათის/ცხოველის საკვების, ცხოველის, მცენარის, ცხოველური და მცენარეული

პროდუქტების, ვეტერინარული პრეპარატების, პესტიციდებისა და აგროქიმიკატების ექსპორტ-იმპორტის მოთხოვნებს და ამ კოდექსის მოთხოვნათა დარღვევისათვის შესაბამის პასუხისმგებლობებს.

კანონისპროექტის შესაბამისად, ევრორეგულაციების მოთხოვნათა გათვალისწინებით, შეიცვალა კოდექსის პირველი მუხლის მე-5 ნაწილი. მოქმედი კოდექსის შესაბამისად, კოდექსის მოთხოვნებთან ერთად, საქართველოს მთავრობის დადგენილებით დამტკიცებული გამარტივებული მოთხოვნები, ვრცელდება იმ ბიზნესოპერატორზე, რომელსაც აქვს მცირე ბიზნესის სტატუსი, ცვლილების მიხედვით, კოდექსის მოთხოვნებთან ერთად, საქართველოს მთავრობის დადგენილებით დამტკიცებული გამარტივებული მოთხოვნები, ვრცელდება იმ ბიზნესოპერატორზე, რომელიც ადგილობრივ მომხმარებელს უშუალოდ აწვდის მცირე რაოდენობის პირველად პროდუქტს, გარდა ცხოველური წარმოშობის სურსათის, ცხოველის საკვების, დაბალი მჟავიანობის დაკონსერვებული სურსათისა და ბავშვთა საკვები პროდუქტისა, მათი იდენტიფიკაცია ხორციელდება კანონმდებლობით დადგენილი წესით.

წარმოდგენილი პროექტით, ევროკომისიის მოსაზრებების გათვალისწინებით, დაიხვეწა და დეტალურად გაიწერა ტერმინთა განმარტებები, კერძოდ, განიმარტა ისეთი ტერმინები, როგორც არის: ვეტერინარია, ბიოწარმოება, ცხოველი, შინაური ცხოველი, ხარისხი, ბიზნესოპერატორის აღიარება (დამტკიცება), ცხოველთა კეთილდღეობა, ასევე, ცხოველური და მცენარეული პროდუქტები, რომელიც გულისხმობს, ცხოველური და მცენარეული წარმოშობის ისეთ პროდუქტებსაც, რომლებიც არ არის განკუთვნილი ადამიანის საკვებად. შესაბამისად, კოდექსის მეორე მუხლმა, რომელშიც მოცემულია ტერმინთა განმარტებები, მოიცვა ყველა ის ტერმინი, რომელიც აუცილებელია სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებისთვის და არ არის ასახული მოქმედ კოდექსში. აღნიშნული ტერმინები შესაბამისობაშია მოყვანილი N1774/202 დირექტივასთან, „მიწისზედა ცხოველების სანიტარულ კოდექსთან“, მცენარეთა დაცვის საერთაშორისო კონვენციის სამდივნოს მიერ შედგენილ ფიტოსანიტარიული ზომების საერთაშორისო ISPM სტანდარტებთან.

დაიხვეწა რისკის ანალიზის-შეფასების, მართვის, კომუნიკაციის პროცედურების განხორციელების მექანიზმები.

ამასთან, კანონის პროექტში, 178/2002 დირექტივის შესაბამისად, კოდექსს დაემატა 10¹ მუხლი და განისაზღვრა საკითხი მომხმარებელთა ინტერესების დაცვის შესახებ, რომლის მიხედვით, მომხმარებელს უნდა მიეწოდოს სურსათი/ცხოველის საკვებთან, ცხოველთან, მცენარესთან, ცხოველურ და მცენარეულ პროდუქტთან, ვეტერინარულ პრეპარატთან, პესტიციდსა და აგროქიმიკატთან დაკავშირებული აუცილებელი, უტყუარი, სრული ინფორმაცია, რაც მას სწორი არჩევნის საშუალებას მისცემს, მომხმარებელი დაცული უნდა იქნეს მოტყუებისა და შეცდომაში შეყვანის მცდელობისაგან, ასევე, დაუშვებელია სურსათის/ ცხოველის საკვების იმგვარი ეტიკეტირება, რეკლამა ან წარდგენა (მათ შორის დაფასოება, შეფუთვა, განთავსება), რომელმაც შეიძლება შეცდომაში შეიყვანოს მომხმარებელი სურსათის/ცხოველის საკვების ნამდვილ ბუნებასთან, მის შემადგენლობასთან, თვისებებთან ან სხვა მახასიათებლებთან დაკავშირებით, აღკვეთილი ან/და თავიდან აცილებული უნდა იქნეს ყველა სხვა ქმედება, რომელსაც შეუძლია შეცდომაში შეიყვანოს მომხმარებელი. მომხმარებელთა ინტერესების დაცვის მიზნით, სააგენტოს მიერ ხორციელდება სურსათის/ცხოველის საკვებთან, ცხოველთან, მცენარესთან, ცხოველურ და მცენარეულ პროდუქტთან, ვეტერინარულ პრეპარატთან, პესტიციდსა და აგროქიმიკატთან დაკავშირებული, საქართველოს კანონმდებლობით დადგენილი და ბიზნესოპერატორის მიერ დეკლარირებული ინფორმაციის შესაბამისობის დადგენა და სააგენტოს მიერ ხორციელდება შეტყობინებებზე რეაგირება.

კანონპროექტის მიხედვით, ცვლილება შევიდა კოდექსის მე-3 თავში და განისაზღვრა სურსათის/ცხოველის საკვების უვნებლობის, ვეტერინარიისა და მცენარეთა დაცვის მოთხოვნები.

კოდექსის მე-13 მუხლში შეტანილი ცვლილების მიხედვით, ცვლილებები შეეხო, ბიზნესოპერატორად რეგისტრაციას. კერძოდ, დამატებულია ბიზნესოპერატორის აღიარება-დამტკიცების განხორციელების პროცედურა, რომელიც შესაბამისობაში იქნა მოყვანილი EC 854/2004 რეგულაციით განსაზღვრულ მოთხოვნებთან და აღიარება-დამტკიცების პროცედურა დარეგულირდება შესაბამისი ნორმატიული აქტით.

კოდექსს დაემატა მე-3¹ თავი, რომლის მიხედვით, გაიმიჯნა და დაიხვეწა ბიზნესოპერატორის ვალდებულებები სურსათის/ცხოველის საკვების უვნებლობის, ვეტერინარიისა და მცენარეთა დაცვის სფეროებში.

პროექტის მიხედვით, მე-17 და 17¹ მუხლებით გაიმიჯნა მიკვლევადობისადმი და საფრთხის ანალიზისა და კრიტიკული საკონტროლო წერტილების პრინციპებზე დაფუძნებულ სისტემასთან დაკავშირებული მოთხოვნები.

პროექტის შესაბამისად, ცვლილება შევიდა კოდექსის მე-18 მუხლში, რომლის მიხედვით, კოდექსის რეგულირების სფეროში მოექცა ცხოველის, მცენარის, მცენარეული და ცხოველური პროდუქტის, ვეტერინარული პრეპერატის, პესტიციდის და აგროქიმიკატის ეტიკეტირების საკითხი. ასევე, ცვლილების შესაბამისად, დაუშვებელია სურსათის/ცხოველის საკვების ეტიკეტზე ან თანდართულ დოკუმენტებში ტერმინების - „ბიოლოგიური“, „ეკოლოგიური“, „ეკო“, „ბიო“, „ორგანული“ ნებისმიერი კომბინაციის მითითება, თუ იგი არ შეესაბამება საქართველოს კანონმდებლობით დადგენილ ბიოწარმოების წესებს და ეს შესაბამისობა არ დასტურდება შესაბამისი სერტიფიკატით.

პროექტის შესაბამისად, ცვლილება შევიდა კოდექსის მე-19-22-ე მუხლებში, რომელიც ეხება საქართველოს სოფლის მეურნეობის სამინისტროს, სურსათის ეროვნული სააგენტოს და საქართველოს შრომის, ჯანმრთელობისა და სოციალური დაცვის სამინისტროს უფლებამოსილებებს და ვალდებულებებს.

პროექტის მიხედვით, კოდექსს დაემატა 22¹ მუხლი და განისაზღვრა სააგენტოსა და ადგილობრივი თვითმმართველობის ორგანოებთან ურთიერთობის პრინციპი, რომელიც მოიცავს მცენარეთა კარანტინის და ვეტერინარული კარანტინის დროს საკარანტინო მავნე ორგანიზმების და დაავადებების ლოკალიზაცია-ლიკვიდაციის მიზნით კარანტინის ან სხვა შეზღუდვების დაწესებას, მოხსნას და მის გატარებაში ხელშეწყობას; ადმინისტრაციულ ტერიტორიაზე მაწანწალა და უპატრონო ცხოველების დაჭერას, აუცილებლობის შემთხვევაში მათ ევთანაზიას, უპატრონო ცხოველების ლეშების შეგროვებას, განადგურებას, ცხოველთა თავშესაფრების, ცხოველთა სამარხებისა და ბიოთერმული ორმოების მოწყობას; ადმინისტრაციულ ტერიტორიაზე ცხოველთა დაავადებების საწინააღმდეგო პროფილაქტიკური და იძულებითი ღონისძიებების განხორციელებაში ხელშეწყობას; არასაკარანტინო მავნე ორგანიზმების წინააღმდეგ ბრძოლის ღონისძიებების განხორციელებაში ხელშეწყობას.

კანონპროექტის მიხედვით, ცვლილება შევიდა კოდექსის 25-ე და 26-ე მუხლებში, ასევე, კოდექსს დაემატა 26¹, 26² და 26³ მუხლები, რომლითაც დაიხვეწა და

ერთმანეთისგან გაიმიჯნა სურსათის/ცხოველის საკვების უვნებლობის, ვეტერინარიისა და მცენარეთა დაცვის სახელმწიფო კონტროლის სახეები და მექანიზმები.

კოდექსიდან ამოღებული იქნა მე-6-მე-10 თავები, რომელიც ეხება ინსპექტირების, ზედამხედველობის, მონიტორინგის, ნიმუშის აღებისა და დოკუმენტური შემოწმების პროცედურებს და აღნიშნული საკითხი დარეგულირდება კანონქვემდებარე ნორმატიული აქტით.

ცვლილებები შევიდა კოდექსის 48-ე-49-ე მუხლებში, რომლითაც დაიხვეწა ვეტერინარული პრეპარატის, პესტიციდისა და აგროქიმიკატის რეგისტრაციის პროცედურები.

ცვლილება შევიდა კოდექსის 52-ე მუხლში და კრიზისული მდგომარეობის მართვის პროცედურები შეეხო ვეტერინარიისა და მცენარეთა დაცვის სფეროსაც.

კოდექსის 53-ე-55-ე მუხლები დაიხვეწა რედაქციულად და შესაბამისად, ამოღებული იქნა 56-ე მუხლი.

კანონის პროექტით კოდექსს დაემატა მე-13¹ თავი, რომლითაც რეგულირდება ისეთი მნიშვნელოვანი საკითხი, როგორც არის სურსათი/ცხოველის საკვების, მცენარის, ცხოველის, მცენარეული და ცხოველური პროდუქტის, ვეტერინარული პრეპარატის, პესტიციდის, აგროქიმიკატის ექსპორტ-იმპორტის და რეექსპორტის მოთხოვნები. კერძოდ, ექსპორტისათვის განკუთვნილი სურსათი/ცხოველის საკვები, მცენარე, ცხოველი, მცენარეული და ცხოველური პროდუქტი, ვეტერინარული პრეპარატი, პესტიციდი, აგროქიმიკატი უნდა აკმაყოფილებდეს იმპორტიორი ქვეყნის მოთხოვნებს, რაზედაც სააგენტო და სამსახური გასცემს შესაბამის ჰიგიენურ (ჯანმრთელობის), ვეტერინარულ და ფიტოსანიტარიულ სერტიფიკატებს. საქართველოში იმპორტირებული სურსათი და ცხოველის საკვები, ცხოველი, მცენარე, მცენარეული და ცხოველური პროდუქტი, ასევე, ვეტერინარული კონტროლისადმი და ფიტოსანიტარიული კონტროლისადმი დაქვემდებარებული პროდუქცია, უნდა შეესაბამებოდეს საქართველოს კანონმდებლობით დადგენილ მოთხოვნებს. საქართველოს ტერიტორიაზე შემოსაყვანი ცხოველი, შემოსატანი მცენარე, მცენარეული და ცხოველური პროდუქტი, ვეტერინარული კონტროლისადმი და ფიტოსანიტარიული კონტროლისადმი დაქვემდებარებული პროდუქცია უნდა შეესაბამებოდეს საქართველოს კანონმდებლობით დადგენილ მოთხოვნებს და მისი იმპორტისათვის

სააგენტო და სამსახური კანონმდებლობით დადგენილი წესით, გასცემს ნებართვას. საქართველოდან რეექსპორტირებული სურსათი და ცხოველის საკვები, ცხოველი, მცენარე, მცენარეული და ცხოველური პროდუქტი, ასევე ვეტერინარულ კონტროლისადმი და ფიტოსანიტარიულ კონტროლისადმი დაქვემდებარებული პროდუქცია, უნდა შეესაბამებოდეს ამ კოდექსით დადგენილ მოთხოვნებს, იმ შემთხვევის გარდა, როდესაც სხვა რამ მოითხოვება მიმღები ქვეყნის მიერ.

ამასთან, ცვლილებები შევიდა კოდექსით გათვალისწინებულ პასუხისმგებლობის მუხლები. კერძოდ: კოდექსის 64-ე მუხლით განისაზღვრა პასუხისმგებლობა ბიზნესოპერატორის აღიარების (დამტკიცების) გარეშე საქმიანობისთვის; რედაქციული ცვლილება განხორციელდა 65-ე მუხლში, რომელიც ეხება სურსათის/ცხოველის საკვების ბაზარზე განთავსების აღსაკვეთად ან ბაზრიდან გამოთხოვასთან დაკავშირებით ბიზნესოპერატორის მიერ ვალდებულებების შეუსრულებლობისათვის პასუხისმგებლობას; კოდექსის 66-ე მუხლში შეტანილი ცვლილებით, გაიზარდა ჯარიმების ოდენობა, ასევე, ვეტერინარული ზედამხედველობის განხორციელების დამადასტურებელი დოკუმენტის გარეშე ხორცის რეალიზაციისთვის განისაზღვრა პასუხისმგებლობა - დაჯარიმება 1000 ლარის ოდენობით და ხორცის ბაზარზე განთავსების აღკვეთას ან/და ბაზარზე უკვე განთავსებული ხორცის გამოთხოვის სახით. ამავე მუხლს დაემატა მე-5 ნაწილი, რომელიც ითვალისწინებს 150 ლარის ოდენობით დაჯარიმებას ცხოველთა კეთილდღეობასთან დაკავშირებული მოთხოვნების დარღვევისთვის.

კოდექსს დაემატოს 67¹ მუხლი, რომელიც ითვალისწინებს დაჯარიმებას ბიზნესოპერატორის მიერ ეტიკეტირების წესის დარღვევისთვის

რედაქციული ცვლილებები შევიდა კოდექსის 68-ე მუხლში, ასევე, ისეთი შეუსაბამობის არსებობის შემთხვევაში, რომლის დროსაც აღმოჩენილია ადამიანის ან/და ცხოველის სიცოცხლისა და ჯანმრთელობისათვის მავნე სურსათი/ცხოველის საკვები და რომლის სათანადო დონემდე შემცირება ან აღმოფხვრა შეუძლებელია კონკრეტული საწარმოო პროცესის დროებით შეჩერების გარეშე, ან განმეორებით რეკომენდაციების შეუსრულებლობა, ცვლილების შესაბამისად, იწვევს საწარმოო პროცესის შეჩერებას.

კოდექსის 69- მუხლი ჩამოყალიბდა ახალი რედაქციით და განისაზღვრა პასუხისმგებლობა ვეტერინარული სამსახურისა და ცხოველთა ჭერის

საქმიანობისათვის საჭირო საქართველოში სპეციალურ კონტროლს დაქვემდებარებულ ნივთიერებათა გამოყენების წესის დარღვევისათვის, ვინაიდან კოდექსის 22-ე მუხლით სააგენტოს ერთ-ერთ ფუნქციას წარმოადგენს სპეციალურ კონტროლს დაქვემდებარებულ ნივთიერებათა გამოყენების კონტროლი.

რედაქციულად შესწორდა კოდექსის 70-ე მუხლი.

ამოღებული იქნა 72-ე-74-ე მუხლები.

ცვლილება შევიდა კოდექსის გარდამავალ და დასკვნით დებულებებში, რომლითაც განისაზღვრა, მისაღები ნორმატიული აქტები და მიღების ვადები, ასევე, ამ კანონის პროექტით გათვალისწინებული ცალკეული მუხლების ამოქმედების ვადები.

ბ) კანონპროექტის ფინანსური დასაბუთება:

ბ.ა) კანონპროექტის მიღებასთან დაკავშირებით აუცილებელი ხარჯების დაფინანსების წყარო:

კანონპროექტის მიღება არ გამოიწვევს ბიუჯეტიდან სახსრების გამოყოფას.

ბ.ბ) კანონპროექტის გავლენა ბიუჯეტის საშემოსავლო ნაწილზე:

კანონპროექტის მიღებამ შეიძლება მოახდინოს გავლენა ბიუჯეტის საშემოსავლო ნაწილზე.

ბ.გ) კანონპროექტის გავლენა ბიუჯეტის ხარჯვით ნაწილზე:

კანონპროექტის მიღება არ მოახდენს გავლენას ბიუჯეტის ხარჯვით ნაწილზე.

ბ.დ) სახელმწიფოს ახალი ფინანსური ვალდებულება:

კანონპროექტის მიღება არ წარმოშობს სახელმწიფოს ახალ ფინანსურ ვალდებულებას.

ბ.ე) კანონპროექტის მოსალოდნელი ფინანსური შედეგები იმ პირთათვის, რომელთა მიმართაც ვრცელდება კანონპროექტის მოქმედება:

კანონპროექტი გამოიწვევს ფინანსურ შედეგს იმ პირთათვის, რომელთა მიმართაც ვრცელდება კანონის მოქმედება. ვინაიდან, კანონპროექტი ითვალისწინებს ახალ სამართალდარღვევებს, რომელთა ჩადენისთვის გათვალისწინებულია საჯარიმო სანქციები, ამასთან, კოდექსით გათვალისწინებული ზოგიერთი სამართალდარღვევის შემთხვევაში ჯარიმის ოდენობა იზრდება.

ბ.ვ) კანონპროექტით დადგენილი გადასახადის, მოსაკრებლის ან სხვა სახის გადასახდელის ოდენობის განსაზღვრის წესი (პრინციპი)

კანონპროექტი არ ითვალისწინებს გადასახადის, მოსაკრებლის ან სხვა სახის გადასახდელის ოდენობის განსაზღვრის წესს.

გ) კანონპროექტის მიმართება საერთაშორისო სამართლებრივ სტანდარტებთან:

გ.ა) კანონპროექტის მიმართება ევროკავშირის დირექტივებთან:

კანონპროექტი არ ეწინააღმდეგება ევროკავშირის დირექტივებს.

გ.ბ) კანონპროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან:

კანონპროექტი არ ეწინააღმდეგება საერთაშორისო ორგანიზაციებში საქართველოს წევრობასთან დაკავშირებულ ვალდებულებებს.

გ.გ) კანონპროექტის მიმართება საქართველოს ორმხრივ და მრავალმხრივ ვალდებულებებთან:

კანონპროექტი არ ეწინააღმდეგება საქართველოს ორმხრივ და მრავალმხრივ ვალდებულებებს.

დ) კანონპროექტის მომზადების პროცესში მიღებული კონსულტაციები:

და) სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტები, რომლებმაც მონაწილეობა მიიღეს კანონპროექტის შემუშავებაში:

დ.ბ) კანონპროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება კანონპროექტის მიმართ:

კანონპროექტის შემუშავებაში მონაწილეობდა როგორც სახელმწიფო, ისე, არასამთავრობო ორგანიზაციების წარმომადგენლები და საერთაშორისო ორგანიზაცია/დაწესებულების ექსპერტები.

დ.ბ) კანონპროექტის ავტორი:

კანონპროექტი მომზადებულია საქართველოს სოფლის მეურნეობის სამინისტროს მიერ.

დ.გ) კანონპროექტის ინიციატორი:

საქართველოს მთავრობა.